

四庫全書考證

二〇

舊



叢書集成

初編

王 雲 主編
五 著

商務印書館發行

國家圖書館典藏
由國家圖書館數位化

四庫全書考證

(十二)



082.47
7437
20
四庫全書考證卷四十七

史部

經義考下



四庫全書考證 卷四十七

一九五三

007490



007480

經義考下

卷一百七十八

陳氏春秋折衷論岳自述曰左氏多長公穀多短刊本公穀訛穀梁今改。

葬尊案隱元年不書卽位刊本脫不字據經文增。又公羊謂成公立桓之意刊本立桓訛正威據公羊

傳改。又穀梁謂隱讓非正也刊本讓沿宋諱作避。又烝冬事而春興之志不時也刊本時訛敬並

據穀梁傳改。又九年八月庚申及齊師戰于乾時刊本庚訛王據經文改。又內不言敗此其言敗

何刊本脫此其言敗四字據公羊傳增。又不名者天子之命大夫也刊本天訛太據穀梁傳改。又

夫正陽之月陰氣未作刊本正陽二字互倒。又因其事則顯無其事不顯者衆矣刊本無訛固今並

改。又不去慶父魯難未已刊本作慶父不除據左傳改。又文公二年經書自十二月不雨至于秋

七月刊本二訛十三據經改。又五穀猶有收刊本有訛可據左傳注改。又宣十五年宋人及楚平

刊本宣訛文據經改。又作丘甲譏始丘使也刊本脫丘字據公羊傳增。又公羊謂四丘爲甸云云

據公羊注疏無此文此誤記。又出長穀一乘刊本穀訛車據左傳注改。又故言乃不郊也刊本言

乃不訛曰不從據公羊傳改。又衛世叔儀刊本脫世字據經增。又晉平公杞出也故治杞刊本故

訛乃據左傳改。又非雩也聚衆以逐季氏也刊本逐下行者字據公羊傳刪。又正月烝正也刊本



脫烝字。今增。又定何以無正月。刊本脫月字。據公羊傳增。又齊人使優施舞于魯君之幕下。刊本優下衍俳字。蓋因何休注而誤。今據穀梁傳刪。又下書五月辛亥郊。刊本脫下字。據上文增。又丘賦之法。因其田財。刊本丘訛兵。財訛賦。據左傳注及穀梁注改。又麟者仁獸。刊本麟上衍獲。據左傳注刪。

卷一百七十九

許氏春秋釋幽。宋史許洞。大中祥符四年。召試中書。刊本脫中書二字。據宋史改。皇綱論。陳振孫曰。王哲。至和間人。又館閣書目有通義十二卷。未見。刊本人字訛連。館閣書目爲句。缺有通義十二卷。未見八字。今據書錄解題增改。

卷一百八十

春秋說例。宋志十一卷。刊本脫十字。據宋史增。唐氏旣春秋邦典。案宋史作唐旣濟。此蓋從書錄解題。文獻通考。

卷一百八十一

朱氏春秋通志。宋史朱長文。元祐中起教授於鄉。刊本脫起字。據宋史增。

春秋列國諸臣傳。陳振孫曰。當元祐中。以蘇軾荐。試六論。案通考引書錄解題。作以蘇轍荐。與此異。

鄭氏春秋臣傳。王應麟曰。以人類事。凡二史十五人。附而名者。又九十三。刊本九十三訛三十九。據玉海。

改。

劉氏熙古春秋極論案劉熙古卽劉蒙正之父宋史有傳原本誤將古字大書連下春秋極論爲書名檢曝書亭集有涪陵崔氏春秋本例序引劉熙古此書亦誤刪古字今據宋史及玉海改。

卷一百八十二

孫氏春秋經解覺自序曰周德旣衰官失其守刊本守訛序。又年有四時故錯舉以爲所記之名也刊本舉訛綜並據杜預序改。

程子春秋傳程子自序曰人道備矣天運周矣刊本運訛道。又予悼夫聖人之志不得明於後世也刊本明訛行並據程子自序改。

蘇氏春秋集解轍自序曰杜預有言丘明受經于仲尼刊本受訛授據杜預序改。

卷一百八十三

五禮例宗陳振孫曰例宗考究未爲詳洽刊本未訛亦蓋沿通考之誤今據書錄解題改。

張氏春秋指南陳振孫曰專以編年旁通該括諸國之事如指諸掌刊本脫下諸字據書錄解題改。春秋讖真德秀曰石林先生葉公之所作也公之文孫來守延平出是書刊本文誤聞據葉筠跋改。

卷一百八十四

蕭氏春秋經辨胡銓序曰歷考前代治亂多識前言往行刊本言訛賢今改。又銓旣進詞業卽其日除

樞密院編修官刊本銓訛某。又訛某爲其。又明年冬某以妄言不可與金和觸宰相噴。刊本冬訛於。又然冗贅之說刊本冗贅訛彭費。又豈特銓得以糾思遺老而已哉。刊本缺糾字並據春秋辨疑序改補。

稅氏春秋列國圖說安禮自序曰二百四十二年之中朝會盟聘圍伐滅入孔子筆之於經刊本脫伐字。據歷代地理指掌圖增。

呂氏春秋集解陳振孫曰大略如杜謬會義刊本義訛議據書錄解題及文獻通考改。

葬尊案呂氏自好問稱東萊公而居仁作西江宗派圖學者亦稱爲東萊先生然則呂氏三世皆以東萊爲目案新唐書藝文志有東萊呂氏家譜一卷據此則呂氏之號東萊遠在唐世此謂起于好問蓋未深考。

卷一百八十五

胡氏春秋傳晁公武曰安國師程頤案宋史儒林傳安國所與游者游定夫謝顯道不及事程正叔也晁語似誤。

宋鑑紹興四年除徽猷閣待制案玉海作五年考宋史儒林傳亦作五年當以玉海爲得其實。何其偉曰晉荀吳帥師伐陸渾之戎刊本吳訛吾據經改。

卷一百八十六

鄭氏左氏九六編。剛中自序曰。太康元年。自江陵還襄陽。刊本脫陽字。據杜預左傳序增。左氏發揮。宋鑑。紹興十一年。布衣吳曾特補右迪功郎。刊本脫功字。今增。

春秋通例。陳振孫曰。良史爲東京留守屬官。訛本京訛平。據書錄解題及通考改。

卷一百八十七

薛氏春秋經解指要。季宣自序指要曰。天子有外史掌四方之志。而職於周之太史。刊本職訛識。據書錄解題及通考改。

左氏博議。祖謙自序曰。德欲蓄而病欲彰也。刊本德訛耻。據博議序改。

左氏說。陳振孫曰。呂祖謙于左氏一書。多所發明。刊本所訛有。又似一時講說門人所抄錄者。刊本脫錄者二字。並據書錄解題改增。

卷一百八十八

左傳百論。陳振孫曰。又有王道辨一書。未行。謹存其書於此編之末。刊本編訛篇。據書錄解題改。

謝氏春秋古經。李燾序曰。又有賈逵春秋三家經本訓詁十二卷。刊本脫本字。據隋志增。又有李鎡春

秋二卷異同十二卷。刊本十二訛十一。據唐志及玉海改。又士燮但注二家。不及左氏。案三國志士

燮傳。燮事潁川劉子奇。治左氏春秋。陳國袁徽與尙書令荀彧書曰。交趾士府君春秋左氏傳簡練精

微。今欲條左氏長義上之。據此則燮注左傳不及二家。李燾語與之相反。蓋誤記也。

李氏左氏廣誨蒙刊本左氏訛春秋據宋史改。

卷一百八十九

春秋集注曾孫廷堅後序曰延祐甲寅詔興科目刊本甲訛庚據元史及續綱目改。

卷一百九十

林氏春秋三傳正附論案宋史作陳藻林希逸似是二人共撰。

章氏補注春秋繁露姓譜樵字桐麓案章樵古文苑序樵字升道與此異。

洪氏春秋說吳任臣曰洪咨夔嘉定二年進士刊本嘉定說泰嘉據宋史改。

卷一百九十一

趙氏春秋經筵鵬飛自序曰赤曰作三軍非正也刊本脫正字據穀梁傳增。

朱氏春秋左傳節解王鏊序曰屬國之遠亦善言焉有若郟子支駒季札聲子沈尹成遠啓疆是已刊本

尹訛無據左傳改。

卷一百九十二

張氏幹春秋排門顯義案宋志幹一作翰。

袁氏希政春秋要義案宋志希一作孝。

卷一百九十三

郝氏春秋外傳。經自序曰。書者皆所爲不行乎今而行乎後世者也。刊本脫爲字。據昌黎集增。經又自序春秋三傳折衷曰。閔公元年稱子女子者一。刊本元訛二。據公羊傳改。又隱公十一年。刊本十一年訛二。又莊公二十三年。刊本二十三。訛二十四。並據公羊傳改。又案公羊傳稱子沈子者三。其一見莊公十年。稱魯子者六。其一見僖公五年。郝氏並漏引。又僖公十六年。刊本六訛七。又昭公四年。刊本四訛五。並據穀梁傳改。又案穀梁傳稱孔子者七。其一見桓公二年。郝氏漏引。又桓公三年。刊本三訛二。又襄公二十三年。刊本襄訛僖三。訛四。並據穀梁傳改。又至晉杜預始爲集解。刊本解訛傳。據晉書改。又至晉范甯爲集解。刊本晉訛案。據晉書改。又唐與孔穎達等爲六經作疏。案唐人義疏自五經正義之外。有周禮儀禮公羊穀梁論語孝經等疏。此六經二字訛。

卷一百九十四

俞氏春秋集傳釋義大成。皋自述凡例曰。乃程子所謂微詞隱義。時措從宜者也。刊本從訛時。據程子春秋傳序改。

吳澂序曰。予觀公羊穀梁之徒。旣傳其師之說。而其間有稱子公羊子。子穀梁子者。案穀梁隱公五年傳。止稱穀梁子。不冠以子字。與公羊桓公六年。宣公五年傳。稱子公羊子者不同。吳氏訛記。

吳氏左氏蒙求。戴表元序曰。嘗取義類對偶之相洽者。韻爲蒙求。以便學者。刊本脫者字。今增。齊氏春秋諸國統紀。履謙自序曰。莊子曰。春秋經世先王之志。刊本訛春秋先王經世之志。據莊子改。

又楚莊王使申叔時傅太子箴。刊本箴訛。據國語改。又案國語莊王使士亶傅太子。問於申叔時。叔時對以教之。春秋云云。此云使叔時傅太子。似誤。

吳澂序曰。朱子謂據事直書。而善惡自見。刊本直訛實。據朱子語類改。

卷一百九十三

春秋或問。寧波府志。程端學官國子助教。遷翰林國史院編修官。案元史儒學傳。作遷太常博士。與此異。萬世春秋百問。楊維禎序曰。刊本禎訛。今改。

卷一百九十六

春秋諸侯取女立子通考。趙汭狀曰。其大要在考核二傳。以求向上之功。刊本功訛。工。據元史儒學傳改。王氏春秋讞義十二卷。案千頃堂書目。作王元杰春秋讞義十卷。與此異。

卷一百九十七

鄭氏春秋經傳闕疑三十卷。案今傳鄭玉春秋闕疑四十五卷。此作三十卷。與千頃堂書目同。

徐尊生曰。讀春秋經傳闕疑序。知先生所以著述之意甚公。刊本經訛集。據鄭玉自序改。

裔孫獻文後序曰。至正中。徵爲翰林侍制。至上都。遇疾而還。案元史忠義傳云。至正十四年。朝廷遣使者

浮海徵玉。玉辭疾不起。而爲表以進。家居日以著書爲事。不言玉曾至上都。與此異。

李氏春秋諸傳會通。張萱曰。以胡氏爲主。而陳氏之後傳。張氏之集注。皆並列之。刊本注訛傳。案宋史道

學傳云。治所著書有春秋集注。春秋集傳。治進書狀云。春秋集傳二十六卷。春秋集注二十一卷。集傳已佚。李廉所采者。乃集注。非集傳也。今據李廉自序改。

陳氏春秋類編傳集。吳澂序曰。創意廣例。倫類粲然。刊本倫訛論。今改。

卷一百九十八

趙氏春秋集傳。泂自序曰。公子大夫在位書卒。刊本大夫訛夫人。據集傳自序改。

春秋屬辭。宋濂序曰。所幸左氏傳尙存魯史遺法。刊本存訛明。據宋濂集改。

春秋師說。金居敬總序曰。趙先生往九江見黃先生稟學焉。盡得其所舉六經疑義千餘條以歸。刊本義

訛意。據明史儒林傳改。

卷一百九十九

春秋作義要訣。刊本訣訛決。據明史藝文志改。

劉氏春秋本旨。永之自序曰。以爲美則強求諸辭。曰。此予也。此褒也。刊本脫曰字。褒訛奪。據葬尊所撰劉

永之傳增改。

胡氏春秋集義。陸元輔曰。翰避地南華山中。著書自樂。刊本闕華字。據明史文苑傳改。

張氏春秋胡傳辨疑二卷。案明史藝文志作一卷。與此異。

卷二百

吳氏春秋繁露節解。廣西通志。吳廷舉成化丁未進士。累官南京工部尙書。刊本工訛兵。據明史改。

金氏春秋紀愚。刊本紀訛記。據金賢自序及明史藝文志改。

劉氏春秋列傳。潘榛序曰。杜元凱以爲必原始要終。優柔鑿飫。然後爲得。刊本柔訛游。據杜預集解序改。

卷二百一

江氏春秋補傳五卷。案明史藝文志作十五卷。與此異。

鍾氏春秋集要二卷。案今傳鍾芳春秋集要十二卷。此作二卷。與明史藝文志同。

王氏春秋斷義一卷。案明史藝文志斷義作析義一卷。作二卷。與此異。

姜氏綱春秋曲言。案明史藝文卷綱作綱。與此異。

季氏春秋私考三十六卷。案明史藝文志作三十卷。與此異。

黃氏續春秋明經。案明史藝文志續作續。與此異。

袁氏祥春秋或問四卷。案明史藝文志祥作詳。四卷。作八卷。與此異。

豐氏春秋世學三十八卷。案今傳豐坊春秋世學三十二卷。與此異。

春秋胡傳辨疑四卷。案明史藝文志作二卷。與此異。

廖氏春秋測。瑞州府志。廖暹知武康縣歸。與邵東廓講學。刊本廓訛郭。據明史儒林傳改。

卷二百二

石氏左傳叙略。案明史藝文志叙略作章略。與此異。

趙氏春秋錄疑十七卷。案今傳趙恒春秋錄疑十二卷。與此異。

嚴氏春秋國華十八卷。案明史藝文志作十七卷。與此異。

王氏春秋輯傳十五卷。凡例二卷。案今傳王樵春秋輯傳二十三卷。此云輯傳十五卷。凡例二卷。誤與千

頃堂書目同。

徐氏春秋億學謨自序曰。若置覆焉。而須傳以爲之射。則何異於日月之借光於燭火乎。刊本燭訛。據

莊子改。

卷二百三

姜氏春秋事義考二十卷。案明史藝文志作事義全考。又案今傳事義全考十二卷。亦與此異。

袁氏春秋鍼。胡編仁自序曰。吾父怡杏府君復作或問四卷。刊本四訛八。據袁詳春秋或問改。

卷二百四

邵氏春秋通義略二卷。案明史藝文志作春秋尊王發微十卷。與此異。

春秋續義三卷。案明史藝文志作二卷。與此異。

春秋逸傳二卷。案明史藝文志作三卷。與此異。

左氏辨一卷。案明史藝文志作三卷。與此異。

鄧氏春秋釋通案明史藝文志作春秋釋此作釋通與千頃堂書目同

卷二百五

馮氏左氏討論釋各二卷刊本討論二字連書誤以二書爲一案明史藝文志時所著左氏討二卷左氏論二卷左氏釋二卷今據改

黃氏春秋左傳釋附洪憲自序曰公穀在七十二子後刊李子訛弟據漢書改

鄒氏春秋匡解八卷案今傳鄒德溥春秋匡解六卷與此異

王氏左傳參同案明史藝文志作春秋左翼與此異

彝尊案管子於召陵之役則曰楚人攻宋鄭燒炳燠焚刊本脫焚字又要宋田夾塞兩川使水不得東

流刊本脫夾字又山東之西水深滅埏刊本埏訛梳並據管子增改

卷二百六

張氏春秋補傳陸元輔曰公字見平沁水人案明史忠義傳云銓字宇衡與此異

卓氏春秋辨義三十卷案明史藝文志作四十卷與此異

陳氏左氏兵略案明史藝文志作左氏兵法略與此異

馮氏春秋衡庫三十卷案明史藝文志作二十卷與此異

夏氏麟傳統宗十三卷案今傳夏元彬麟傳統宗十二卷與此異

孫氏春秋左傳分國紀事二十卷。案明史藝文志作孫范左傳紀事本末二十二卷。與此異。卷二百七

華氏春秋說嚴繩孫曰。汝立補工部營繕司。刊本繕訛膳。今改。

宋氏左氏兵法測要。方岳貢序曰。晉文之擇帥也。爰舉卻縠。刊本穀訛穀。據左傳改。

徐孚遠序曰。巫臣通吳于晉。而楚人始罷於奔命。刊本吳晉二字互訛。據左傳改。

卷二百八

朱氏左氏春秋集說。鶴齡自序曰。滅同姓名。而楚滅夔。齊滅萊。不名。刊本萊訛蔡。據春秋改。

讀左日抄。刊本缺卷數。案今傳朱鶴齡讀左日抄十二卷。又補二卷。

魏氏左傳經世。禧自序曰。唐崔日用。工左氏學。及與武平一論三桓七穆。不能對。乃自慙。案唐書武平一

傳。崔日用問三桓七穆。武平一知之。平一問齊晉楚三國所屬之諸侯。及三國執政之人。日用不知。此

似誤記。

王氏春秋左翼。王氏名未詳。案本書卷二百五載王震左傳參同四十三卷。而明史藝文志則作王震春

秋左傳四十三卷。今震書具存。以震所答沈仲潤書及焦竑春秋左翼序參考之。左翼即參同無疑。惟

因烏程縣志云。震字子長。而焦序云王君子省。故葬尊前後分載。而不辨其爲一人一書也。

卷二百九

左丘子春秋外傳國語崇文總目吳侍中領左國史高陵亭侯韋昭解刊本高陵亭侯訛亭陵侯蓋沿文獻通考之誤今據三國志改又昭參引鄭衆賈逵虞翻唐固合凡四家爲註刊本四訛五蓋沿書錄解題文獻通考之誤今據讀書志及玉海改又自所發正者二百七事刊本七訛十蓋沿文獻通考之誤今據國語序改

韋氏春秋外傳國語註唐志二十一卷刊本脫一字據舊唐經籍志及新唐藝文志增

昭自序曰實與經義並陳刊本與訛爲又因鄭賈之精寔採虞唐之信善刊本鄭賈訛賈君虞唐訛唐虞又欲世覽者必察之也刊本脫必字也字並據宋本國語序改增

宋氏國語補音庠自序曰近世傳舊音一篇解犬戎樹惇引鄆州羌爲說夫改鄆善國爲州自唐始耳案魏書地形志有鄆州列于涼州瓜州之間是始于元魏也庠蓋未深考

林氏辨國語三卷刊本三訛二據宋史藝文志改

呂氏左氏國語類編陳振孫曰與左傳類編略同但不載綱領刊本載訛識據書錄解題改竹書師春陳振孫曰杜預得其紀年知爲魏國史記刊本爲訛其據書錄解題改

卷二百十

黃氏周正如傳考吳萊序曰商周革命特示不相沿襲巡狩祭享兵農田獵猶自夏焉刊本祭訛承據逸周書改又昭公三十二年十一月晉人會諸侯之大夫於狄泉刊本二訛三十一月訛十月據左傳

改。

黃氏元年春王正月辨。刊本脫元年二字。據元史儒學傳及趙汭狀增。

張氏春王正月考一卷。刊本一訛二。據明史藝文志改。

徐氏春王正月辨。顧湄曰。公字端銘。案明詩綜云。應聘字伯衡。與此異。

閏月不告朔。猶朝于廟論。刊本脫猶朝于廟四字。據東坡集增。

卷二百十一

古論語。王充曰。以八寸爲尺。紀之約省。懷持之便也。刊本省訛者。據論衡改。

鄭康成曰。策皆二尺四寸。刊本訛尺二寸。蓋沿儀禮聘禮疏之誤。今據春秋正義改。

論語釋義。彝尊案鄭注與今文不同者。在陳絕糧作粳。音張。米糧也。刊本張訛長。米訛下。據經典釋文及

王應麟撰集論語鄭注改。又惡徼以爲知者。徼作絞。刊本知訛直。今改。

卷二百十二

崔氏論語集義。陸德明曰。豹字正熊。晉尙書左中兵郎。刊本中兵二字互倒。據釋文序錄及晉書職官志。

隋書經籍志改。

孟氏整論語注。案隋書經籍志。唐書藝文志。通志。玉海俱作孟釐。此蓋從釋文序錄。今仍其舊。

宋明帝論語續注。南史。帝在藩時。續衛瓘所注論語二卷。刊本注訛著。今改。

孔氏論語注冊府元龜孔澄之注論語十卷刊本注訛著今改。

皇氏論語義疏中興書目皇侃爲疏十卷及列晉衛瓘繆播江淳等刊本淳沿宋諱作厚據晉書及文獻通考改。

卷二百十三

韓子論語注邵博曰據張籍祭韓退之詩是退之嘗有論語注未成也刊本注訛傳據聞見錄及野客叢書改。

王楙曰近時錢塘汪克家有是本刊本注訛江據野客叢書及文獻通考改。
張氏論語注辨計敏夫曰籍字文昌歷水部員外郎刊本脫員字據唐書增。
劉氏正叟重注論語案宋史藝文志正叟作正容與此異。

卷二百十四

范氏論語說伊洛淵源錄淳夫家傳不言其嘗受學于二程之門獨鮮于綽傳信錄記伊川事而以門人稱之案范祖禹太史集但于司馬光稱門生其荐程子疏不言是師又陳淵墨堂集有答祖禹後人書云以某所聞于龜山乃知先給事之學與程門無不同據此則知祖禹決非程門弟子此所引伊洛淵源錄誤。

卷二百十五

葉氏論語釋言王應麟曰張衡思玄賦匪仁里其焉宅兮匪義跡其焉追刊本焉並訛安據文選及困學紀聞改。又里仁爲美刊本仁訛人今改。又大祭祀宿之日刊本祀訛禮據困學紀聞改。

卷二百十六

胡氏論語詳說寅自序曰聖門之徒皆學爲仁刊本徒訛途今改。

卷二百十七

朱子論語集義陳振孫曰集二程張氏及尹焞凡十有一家刊本尹焞訛周孚先十一家訛十二家蓋沿書錄解題文獻通考之誤今據朱子自序及玉海改。

卷二百十九

金氏論語集注考證一齋書目二卷刊本脫書字今增。

卷二百二十一

楊氏論語私抄守陳自序曰初取陳張以下九家之說案朱子論孟精義自序張子以下凡九家蓋在二程子之外此以程張並稱而云九家微誤。

陳氏論語解士元自序曰論語八寸策較六經之策三分居一聘禮疏可稽也刊本八寸策訛八十策三分居一訛三居二據儀禮聘禮疏及玉海改。

卷二百二十二

古文孝經。班固曰。少府后蒼各自爲家。刊本府下衍君字。據漢書藝文志刪。

長孫氏孝經說。漢志二篇。刊本二篇訛一卷。據漢書藝文志改。

鄭氏孝經注。唐會要。鄭君卒後。其弟子追論師所著述。刊本所著二字互倒。又有中候大傳。刊本大訛

書。又康成注三禮詩易尙書論語。刊本脫三字。詩訛書。又凡有小失皆在聖證。刊本聖訛訂。又

鄭氏諸注無不撮引。刊本脫鄭氏二字。又本出孔壁中語甚詳正。刊本甚訛其。又鄭志及目錄不

載。故注賢共疑焉。刊本載下衍其字。又嚴親嚴兄。刊本脫嚴親二字。又旣爲章首。不合言故。刊本

旣訛卽。又詔鄭注仍舊行用。刊本脫注字。並據唐會要及孝經疏改增。

卷二百二十三

袁氏集義孝經。刊本議訛義。據隋書經籍志改。

太史氏孝經義。冊府元龜。太史叔明爲揚州從事文學。案隋書經籍志作揚州文學從事。與此異。

卷二百二十四

唐明皇孝經注。李齊古表曰。光祿大夫行門下侍郎陳希烈。刊本脫下字。據唐書百官志增。又朝散大

夫守中書舍人兼知史館事。刊本館訛官。今改。

孫奭序。諸家注解皆妄生穿鑿。明皇遂于先儒注中。摭拾菁英。刊本皇訛宗。據孝經疏序改。

卷二百二十五

宋氏孝經節要東都事略宋綬趙州平棘人刊本趙訛隨據宋史地理志改。

司馬氏古文孝經指解光自序曰隋開皇中秘書學士王孝逸云陳人處得之刊本脫孝字據唐會要及玉海增。

卷二百二十六

朱子孝經刊訛中興藝文志又指傳文之失刪去先王見教以下凡六十九字刊本九訛七蓋沿文獻通考之誤今據朱子孝經刊誤改。

馮氏古孝經輯注中興藝文志椅輯注并引蔡氏注刊本注訛證據文獻通考改。

季氏古文孝經指解詳說樓鑰序曰季使君又以明皇之事證之是矣刊本又訛文皇訛王又是人知於考未有無其始者刊本未訛本今並改。

卷二百二十七

吳氏孝經章句激自序曰邢昺正義具載詳備刊本義訛議今改。

錢氏孝經直解楊士奇曰其黜閨門章及合五刑章與上章爲一則從草廬吳氏刊本刑訛行今改。

孝經集說王禕序曰刪子曰者二引書者一引詩者四凡六十一字刊本六十一訛五十七據朱子孝經刊誤及文獻通考改。

卷二百二十八

孫氏孝經集善。宋濂序曰。諸儒未見有所發揮。而獨斷斷然。致其紛紜若此。刊本斷訛斷。今改。

卷二百二十九

歸氏孝經叙錄。有光自序曰。晉穆帝永和十一年。及孝武太元元年。再聚羣臣。共論經義。刊本孝訛。光據晉書及唐會要。孝經疏改。

卷二百三十

黃氏孝經集傳。道周自序曰。大戴三十六篇。案今大戴禮四十篇。此云三十六篇。疑引史記索隱大戴禮三十八篇之文。而誤八爲六耳。

孝經考異。旭奇進表略曰。周賓興六行曰。孝友睦婣任卹。刊本睦婣二字互倒。據周禮改。

卷二百三十一

孟子。王肅曰。軻字子居也。案子居。師古漢書注。作子車。玉海所引。作子輿。此從廣韻。劉昌詩曰。孟子題辭。又有外書四篇。刊本又有外三字。訛外。又有據趙岐題辭改。

卷二百三十二

趙氏孟子注。王應麟曰。滕國有考公麋。刊本沿近刻趙注之訛。麋作麋。據校宋本孟子及王應麟困學紀聞改。

卷二百三十三

王氏孟子解十四卷。案通考作王安石王雱許允成孟子解四十二卷。此處後引晁公武語。與通考合。而卷數有異。

程子孟子解。宋志四卷。刊本訛十四卷。據宋史刪。

鄒氏孟子解。刊本解下衍義字。據宋史刪。

卷二百三十四

余氏尊孟辨。通考七卷。刊本卷訛篇。據通考改。

雍氏孟子師說。陳淵論孟師說總跋曰。李君愿中以其遺書質予。今歸其書。併以仲素之所受于龜山者語之。刊本受訛授。據上文改。

癸巳孟子說。宋志七卷。案宋志作孟子解七卷。與此異。

卷二百三十五

陳氏孟子纂要。普自序曰。修身則曰存心養性。刊本脫曰字。據上下文增。

卷二百三十六

閻氏孟子生卒年月考。若璩自序曰。蓋生爲鄒人。晚始遊梁。刊本脫生字。據閻書增。

吳氏孟子弟子列傳。萊自序曰。商瞿受易仲尼。刊本受訛授。今改。又因刪去諸子。蓋以萬章。公孫丑之徒。刊本諸訛孟。據吳序改。

卷二百三十七

爾雅王應麟曰。盧若虛之辨鼯鼠。刊本鼯訛鼯。據爾雅改。又爾雅注。漢武帝時得豹文鼯鼠云云。案郭注此條有二誤。據水經穀水注及文選任昉表注。則對鼯鼠者乃竇攸。而郭氏誤爲終軍。又據說文字林及唐書盧藏用傳。則文彩如豹者乃鼯鼠。而郭氏誤爲鼯鼠。王應麟既引盧若虛之辨鼯鼠。又引竇攸之對豹鼠。似尙失指郭氏之誤。

彝尊案櫟其實棗。注云。櫟實名棗也。刊本櫟實訛栗實。據釋文改。

孫氏爾雅注。宋志十卷。案孫炎有二。據邢昺爾雅疏序云。爲注者有韃爲文學。劉歆、樊光、李巡、孫炎。此則魏之孫炎。在郭璞前者也。又云。爲義疏者。俗間有孫炎、高璉。此則唐宋間別一孫炎。在郭璞後者也。隋唐志于孫炎爾雅俱稱注。且卷數或六或七。皆不盈十。宋志則稱孫炎疏十卷。書名卷數並異。其爲後之孫炎無疑。彝尊溷而爲一誤。

郭氏爾雅注。郭子章曰。景純注爾雅。握筆嘉州。案晉書郭璞傳。無入吳之文。王象之輿地碑記。目嘉定府下有郭璞移水記。蘇轍詩指其注爾雅于此。考記中有嘉州二字。而嘉州之名。實始後周。不應預見郭璞文中。又考嘉州在漢爲犍爲郡。諸書所云爾雅臺者。疑是犍爲舍人之遺蹟。與璞無涉。

爾雅圖讚。晉書灌字道羣。案晉江灌卽江迥從弟。本傳不言其曾注爾雅。此作圖讚者。乃陳之江灌。唐初尙存。下引名畫記所稱是也。彝尊合爲一人。列于梁沈旋之前。誤。

彝尊案灌爲隨州司馬。刊本脫州字。據名畫記增。

陸氏爾雅釋文。通考一卷。案宋志云。爾雅音義二卷。卽此書。且今相承釋文皆二卷。此云一卷。蓋沿通考之訛。

爾雅音義。宋志二卷。未見。案陸氏作釋文以釋經典音義。其爾雅二卷。通攷稱爲爾雅釋文。宋志稱爲爾雅音義。實一書也。此于釋文之外。又列音義。且曰未見。誤。

毋氏爾雅音略。晁公武曰。昭裔以一字有兩音或三音。乃釋其文義最明者爲定。刊本乃訛。今據通考改。

卷二百三十八

邢氏爾雅疏。曷自序曰。蟲魚草木。爰自爾以昭彰。刊本蟲魚訛昆蟲。據注疏本改。

王氏爾雅。項安世跋曰。以王氏父子之學之苦。刊本以王氏訛王氏。以據通考改。

陸氏爾雅新義。陳振孫曰。以愚觀之。大率不出王氏之學。刊本脫上之字。據書錄解題增。

鄭氏爾雅注。陳振孫曰。義理無待注釋。有注釋則人必反舍經之言而泥注解之言。刊本泥訛疑。蓋沿通考之訛。今據津逮秘書本改。

羅氏爾雅翼。願自序曰。遂超萬物。莫之與鄰。刊本之與二字互倒。又因旣其文有所著作。刊本其訛以。又窮鳥獸之文。刊本鳥訛魚。並據爾雅翼改。

方回跋曰。侯賢父子有德吾州。刊本侯賢二字互倒。據爾雅翼改。

都穆序曰。其爲卷三十有二。總五萬餘言。刊本五萬訛十萬。據維願自序改。又惜乎史闕公傳。文獻通考亦不載其書。案宋史羅願附其父汝楫傳後。語未深考。

卷二百三十九

劉氏五經通義。彝尊案冬至陽氣萌生。陰陽交精。始成萬物。氣微在下。不可動泄。王者承天理物。故率天下靜而不擾也。刊本萌下脫生字。成下衍方字。微下脫在下二字。理下脫物字。並據通典增。又祭月者毀。刊本闕毀字。據太平御覽補。又殷曰序。周曰庠。案太平御覽引此文。作殷爲庠。周爲序。與說文庠字注所引禮官合。與孟子文異。此處引通義而文從孟子誤。又以文得之。先文樂持羽旄而舞。案北堂書鈔所引通義。樂下有衣繡衣三字。此脫。

五經要義。彝尊案鐘一堵。磬一堵。謂之肆。刊本脫鐘一堵三字。據周禮鄭注增。又初學記引要義文云。天子籍田千畝。案藝文類聚引此條。至致孝敬也。作五經通義。不作要義。與此異。又楊之言露。所以示美呈好。刊本呈訛承。又太古之時。未有布帛。刊本帛訛綿。並據初學記改。

許氏五經異義。彝尊案鄭伯伐許。未踰年。以本爵譏不子也。刊本脫年字。又宋子未踰年。出與天子大夫會。是非王事而稱子耶。刊本稱訛非。並據通典增改。又九夫爲辨。七辨而當一井。刊本七訛九。據左傳疏改。

卷二百四十

王氏聖證論。魏志王肅改易鄭玄舊說。時孫叔然受學鄭玄之門人。駁而釋之。刊本闕時字。據魏志補。傅氏七經詩。晉書咸累遷尙書右丞。刊本訛作御史中丞。據晉書改。

卷二百四十一

陸氏經典釋文。德明自序曰。繁而非蕪。示傳一家之學。刊本闕一字。據經典釋文序補。唐氏九經字樣。唐會要。太和漆年。勅覆定九經字體。案唐制。官行文牒數目字七作漆。及九經字樣板本。皆然。此仍其舊。又本刪補冗漏。一以正之。刊本冗訛穴。據九經字樣序改。

卷二百四十二

楊氏等五經精義。玉海楊安國等上尙書節解三十卷。刊本節解二字互倒。據上文改。王氏經說。宋史呂陶王吉嘗荐舉黃庭堅。張舜民。刊本民訛明。又尋改潼川府教授。刊本川訛州。又脫府字。並據宋史改增。

卷二百四十四

真氏西山讀書記。陳振孫曰。大抵本經史格言。刊本史訛子。據書錄解題改。

卷二百四十九

經序錄。周大禮序曰。嘗得李鼎祚周易集解。刊本解訛傳。今改。

卷二百五十九

四書困勉錄三十七卷。刊本缺三七二字。據困勉錄補。又案陸隴其年譜云。作困勉錄凡例。而其書未就。今所刊困勉錄。乃其爲諸生時纂輯明季四書講義。而趙魚裳等卽以困勉錄名之。實非困勉錄也。此承其訛。

卷二百六十

易震爲雷爲王。案呂氏音訓。朱子本義。王並作玉。與乾爲玉複。此從經典釋文爲得其正。書百篇之序。林之奇曰。自汨作至亳姑。凡四十有六篇。案書序凡百篇。今所存五十八篇。逸四十二篇。此六字疑二字之訛。

豐刑。李尤豐侯銘曰。豐侯荒繆。醉亂迷逸。刊本逸訛迭。據路史改。

章懷太子後漢書注。周書呂刑篇文。登登皇皇。刊本下皇字訛。王據後漢書注改。

卷二百六十一

宋熊朋來曰。大戴禮云。步中采茨。刊本步訛場。據大戴禮保傅篇改。又學者當依大戴禮改正趨行二

字。刊本禮注。今改。

新宮。後漢書永平二年詔曰。八佾具脩。萬舞于庭。刊本脩訛備。據後漢書改。

卷二百六十二

祀戶之禮。迎尸略如祭宗廟之儀。刊本如訛于。據月令鄭注改。

高子問于孟子曰。衛女何以得編于詩也。孟子曰。有衛女之志。則可。無衛女之志。則怠。刊本衛訛纂。據韓詩外傳改。

卷二百六十三

易是類謀。彝尊案類書所引是類謀文。有云。斗杓絕綱。案今刻易緯是類謀綱作繩。與此異。又雷謹虹行。刊本虹訛公。又民衣霧。刊本衣訛依。並據今刻易緯是類謀改。

卷二百六十四

老子河洛讖。彝尊案南齊書引之。有云。上參南斗第一星。下立草屋爲紫庭。刊本立訛土。據南齊書符瑞志改。

卷二百六十五

尙書考靈曜。彝尊案考靈曜文。大都推步之說。有云。夏至之後。地漸漸向上。刊本上訛下。據爾雅疏改。禮含文嘉。彝尊案劉昭注續漢書。引含文嘉文曰。天子靈臺所以應神明之變化。觀日氣之所驗。刊本日訛因。據後漢志注改。

卷二百六十六

春秋運斗樞。彝尊案第一天樞。第二璇。第三璣。刊本璣訛機。據史記天官書正義改。

春秋潛潭巴。彝尊案日蝕自甲子至癸亥各有其占。劉昭注續漢書引潛潭巴文云。癸未蝕。仁義不明。刊

本仁訛行。據後漢志注改。

春秋命歷序。續漢書律歷志曰。獲麟至漢百六十二歲。刊本二訛一。據後漢志注改。

卷二百六十八

楊氏太玄經章句。漢紀筮之以三十莢。案漢書揚雄傳。操之以三莢。蘇林曰。三三而分之。此作三十莢。乃沿荀悅漢紀原文誤。

桓譚曰。三三而九。因以九九八十一。故爲八十一卦。案周易名卦。太玄名首。此卦字沿後漢書張衡傳注原文之誤。又以三十五著揲之。案太玄經筮法。三十六莢虛其三。而用三十有三。此作三十五著。乃沿後漢書張衡傳注原文之誤。

宋維幹曰。覆載交泰。兩儀象成。刊本脫象字。據晁說之集增。

司馬光曰。或謂既有益矣。何以玄爲。曰。子之求道亦膠矣。刊本膠訛認。據司馬光家集改。

朱震曰。從。隨也。進。首也。刊本訛從進隨也。又勤。坎也。養。頤也。刊本訛勤養坎也。並據司馬光太玄經集注改。

陳淳曰。效十三卦所取。則有衣裳奎璧掇擬之論。刊本掇訛槐。據太玄經改。

高似孫曰。六十四卦各主六日七分。案卦氣圖。除去震離兌坎四正卦。餘得六十卦。此四字衍。王申子曰。玄之首準易之彖。刊本彖訛象。據大易緝說改。

卷二百六十九

太玄圖。李燾曰。章晉成都人。尤長于易。與太玄。刊本脫與字。據文獻通考增。
陳氏演玄。宋史。陳漸授儀州軍事推官。後遷耀州節度推官。刊本脫遷字。據宋史增。
張氏太玄經集解。案讀書志及文獻通考俱作太玄經淵旨。與此異。
馮氏太玄音訓。宋史。馮元直龍圖閣。詔預內朝。刊本朝訛翰。據宋史改。
李氏太玄集解義訣。王應麟曰。並雜說總十五篇。刊本說訛記。據玉海改。

卷二百七十

王氏通玄經。晉書。長文通玄經。未遭陸績君山耳。刊本山訛出。據晉書改。
司馬氏潛虛。陳澧曰。爲五十五體。以應王公。岳牧。率侯。卿大夫。庶人之象。刊本脫士字。據潛虛體圖增。
又容言慮聆觀。則動之官也。刊本觀訛觀。又葑郤庸妥蠢。則事之變也。刊本蠢訛靈。又毀又績育。
聲。則功之具也。刊本績訛積。並據潛虛名圖改。又虛之撲十。則以擬玄之撲三。刊本三訛七。據太玄
經改。

彝尊案潛虛五五行。曰隸曰齊。刊本隸訛厲。脫曰齊二字。據潛虛行圖改增。

卷二百七十一

邵子皇極經世書。晁公武曰。其始學之時。睡不施枕者三十年。刊本脫時字。據讀書志及文獻通考增。

又其書以元經會以會經運以運經世刊本脫以會經運四字蓋沿文獻通考之訛今據皇極經世及讀書志增又起于堯卽位之元年甲辰刊本元年訛二十一年蓋沿近刻讀書志之訛今據性理大全所引晁公武語改

陳振孫曰以天時而論人事以人事而驗天時刊本脫人事以人事而驗七字據書錄解題增又述皇帝王霸之事刊本帝王二字互倒蓋沿書錄解題之誤今據玉海改

王應麟曰業易書時春秋心迹也刊本書詩二字互倒據玉海改

張氏經世紀年栻自序曰昭烈以正義立于蜀則漢統烏得爲絕故獻帝之後卽繫昭烈年號刊本獻訛漢據文獻通考改

馬氏皇極觀物外篇解刊本篇訛編據皇極經世改

黃氏皇極經世書傳畿自序曰皇極之用義兼乎黃矣刊本極訛辟今改

陳氏皇極圖韻蓋謨自序曰五聲以察治忽六義卽具諧聲刊本五聲訛五言據尙書改

卷二百七十三

漢今文泰誓董斯張曰漢郊祀志引泰誓曰正稽古立功立事可以永年刊本脫正字據漢書改張氏僞尙書漢書成帝時霸以能爲百兩徵刊本脫爲字據漢書儒林傳增

孔氏漢尙書後漢尙書後魏尙書劉知幾曰凡爲二十六卷案上所列卷數止有二十四此六字蓋沿史

通原文之誤。

王氏續書杜淹曰。文中子續書一百五十篇。案唐書王勃傳及文苑英華所載王勃序俱作百二十篇。與此異。

新唐書通作書百二十篇。有錄無書者十篇。案王勃序十篇作十六篇。與此異。

陳氏續尚書蕭穎士代正卿進表曰。有漢之功業與我唐之化理。俱可以繼夫唐虞之盛也。刊本化訛代。據文苑英華改。

蔡氏洪範內外篇沈自序曰。後之作者。或卽象以爲數。刊本卽訛積。又萬事之所以得失者。莫非數也。

刊本事訛物。莫非訛亦並。據性理大全及玉海改。

熊朋來曰。範數多重犯太玄八十一首之名。潛虛五十五行之名。且于周易六十四卦之名亦犯其八。案

洪範內篇數名與周易卦名同者。蒙、比、晉、益、豫、升、損、訟、革、凡九。此八字誤。

章懋曰。原之一二。則爲無咎。刊本脫一字。據洪範內篇原數增。

鄭善夫曰。明則益以盈數。受之以充。案洪範內篇有盈數無充數。此充字係盈字之訛。又久固必遷。故

受之以遷。案洪範內篇有移數無遷數。此遷字係移字之訛。

彝尊案左二右三曰振。刊本三訛二。據洪範內篇振數改。又柔、昧、却、厲、賓、育、與、凡七。案潛虛有隸行無厲行。彝尊於前卷潛虛案語訛隸爲厲。此遂謂洪範內篇數與之同名誤。

卷二百七十四

夏侯氏周詩。晉書夏侯湛轉尙書郎。出爲野王令。刊本野訛蜀。據晉書改。

束氏補亡詩。董說曰。於古笙詩之理。未有當也。刊本笙訛聲。據詩序改。

補茅鷗詩。光庭序曰。使工爲之誦茅鷗。刊本誦訛諷。據左傳改。又學樂誦詩舞勺。刊本誦訛習。脫勺字。

據禮記增改。

淳化鄉飲酒詩三十四章。刊本四訛三。蓋沿宋史樂志標目之誤。今據樂志所載詩章細數改。

朱氏補笙詩。載墮自序曰。夏侯湛作。見世說注。其詞曰。旣殷斯虔。仰說洪恩。刊本虔訛處。據夏侯常侍集

及世說新語改。

卷二百七十五

袁氏吳氏越絕書本事篇。因事類以曉後世者。善爲誠譏惡爲誠。刊本誠訛誠。又吳越相攻復見於今。

刊本脫攻字。又明於古今。知識宏也。刊本缺識宏二字。並據越絕書改增補。

陳振孫曰。聖人越於彼。辯士絕於此。故曰越絕。刊本上越字訛絕。蓋沿文獻通考之誤。今據書錄解題改。

趙氏吳越春秋。中興書目。吳起太伯止闔閭案。吳越春秋有夫差內傳。此闔閭二字誤。

樂氏春秋後傳。彝尊案水經注引後傳文云。使者鄭容入柏谷關。至平舒置。刊本容訛客。置訛望。又子

之咸陽過鄆池。刊本咸訛南。並據水經注改。又見宮闕若王者之居。謁者出受書。入有頃。聞語聲。刊

本有頃訛又見頃蓋沿舊刻水經注之訛今據新校本改。

司馬氏九州春秋晉書彪作九州春秋以爲先王立史官以書時事云云至爲紀志傳凡八十篇案晉書司馬彪傳此段指彪所作續漢書而言末句凡八十篇下原有號曰續漢書五字今其書紀傳雖佚八志尙附范史以行其非九州春秋顯然此書將號曰續漢書句刪去而附九州春秋之下訛又編年二百錄世十二刊本十二訛二十又爲紀志傳凡八十篇刊本紀訛記並晉書改。

王氏續漢春秋戴表元曰通鑑也目錄也舉要也刊本通訛綱據通鑑目序改。

卷二百七十六

習氏漢晉陽秋檀道鸞曰鑿齒以忤旨左遷戶曹參軍滎陽太守刊本滎訛衡蓋沿世說新語之誤今據晉書改。

崔氏十六國春秋北史沮渠蒙遜刊本沮訛祖據北史改。

吳氏唐春秋唐書本傳兢貶荊州司馬以史草自隨刊本草訛章據唐書改。

卷二百七十七

杜氏杜子春秋晉書杜夷傳兄崧有志節刊本志節訛大志據晉書儒林傳改。

卷二百七十八

揚氏法言晁公武曰雄好古學見諸子各以其知舛駁不與聖人同刊本脫見字據讀書志及文獻通考

增。

卷二百七十九

王氏中說。阮逸序曰。逸家藏古編。亦列十篇。實無二序。以意詳測。文中子世家。乃杜淹授陳叔達編諸隋書而亡矣。刊本意訛章。今改。

王世貞曰。文中子以大業十三年卒。壽僅三十四爾。刊本十三訛十四。三十四訛三十三。據文中子世家改。

蕭雲舉曰。文中子考三易之義於族父仲華。刊本脫族父二字。據文中子世家增。

卷二百八十

張氏廣雅。陳振孫曰。揖又有埤蒼三蒼訓詁雜字古今字訓。刊本今訛文。蓋沿新唐志之誤。今據魏書北史及隋書經籍志改。

陸氏埤雅。王慎中曰。蒲盧之爲野蜂。則不當爲草。乃兩立其名。刊本盧訛蘆。據埤雅改。又案埤雅釋草。本謂蜂名蒲盧。取象於蒲。蒲名果贏。取象於蜂。其兩引中庸。皆指蜂言。王氏駁之。非是。

卷二百八十一

孔子弟子。齊梁子鱣。唐贈梁伯。刊本梁訛趙。據唐會要及唐書禮樂志改。

魯公西子赤。唐贈邵伯。刊本邵訛郃。據唐會要及唐書禮樂志改。

魯冉子孺。唐贈郃伯。刊本部訛紀。據唐會要及唐書禮樂志改。
蔡曹子卬。唐贈豐伯。刊本豐訛曹。據唐會要及唐書禮樂志改。

魯伯子虔。唐贈鄒伯。刊本鄒訛聊。據唐會要及唐書禮樂志改。

魯南宮子縉。宋贈襲丘侯。改汝陽侯。刊本汝訛汝。據宋史禮志改。

宰父子黑。字子索。刊本索訛素。據史記及家語改。

石作子蜀。唐贈郕伯。刊本郕訛石。據唐會要及唐書禮樂志改。

魯顏子相。唐贈臨沂伯。刊本沂訛邑。據唐會要及唐書禮樂志改。

卷二百八十二

孔子門人。楚馯臂子弓。吳萊曰。商瞿受易仲尼。瞿傳魯橋庇子庸。刊本庇訛疵。據漢書改。

魯穀梁赤。宋贈襲丘伯。改贈睢陵伯。刊本陵訛陽。據宋史禮志改。

世碩。葬尊案漆雕子十三篇。刊本三訛二。據漢書藝文志改。

孟子弟子孟仲子。宋贈新泰伯。刊本泰訛蔡。據宋史禮志改。

卷二百八十三

費直弟子荊州從事章陵宋忠仲子。案宋忠。後漢書、三國志、華陽國志、水經注、俱作忠。經典釋文、周易集

解、舊唐書經籍志、宋史藝文志、玉海、俱作衷、隋書經籍志、新書藝文志、忠衷並見、實一人也。

卷二百八十四

王扶弟子博士陳留許晏偉君。案漢書儒林傳。王扶許晏皆受詩張游卿。此以許晏爲王扶弟子。本之釋文敘錄。

卷二百八十五

漢折像字伯式。刊本像訛象。據漢書方術傳改。

卷二百八十七

漢一字石經七錄有毛詩二卷亡。刊本二訛三。據隋書經籍志改。

楊銜之洛陽伽藍記。開陽門外有漢國子學堂。多石經。又讚學碑一所。並在堂前。刊本讚學訛讀書。據洛陽伽藍記改。

酈道元水經注。光祿大夫楊賜。諫議大夫馬日磾。刊本脫楊賜諫議大夫六字。蓋沿舊刻水經注之誤。今據後漢書增。又魏明帝又刊典論六碑。刊本明訛文。蓋沿舊刻水經注之誤。今據三國志改。又陸機言太學贊別一碑。載蔡邕韓說堂谿典等名。刊本堂谿典訛高堂谿。蓋沿舊刻水經注之誤。今據後漢書及金石錄改。又東有一碑。是漢順帝陽嘉元年立。刊本元訛八。蓋沿舊刻水經注之誤。今據後漢書改。

趙綽曰刊本趙詛李據廣川書跋改。

董道廣川書跋曰朱超石與兄書曰刊本超詛越據後漢書儒林傳注及南史改。又太學講堂長十丈廣二丈刊本二丈詛三尺據後漢書蔡邕傳注改。又以今文論語校石經其異者如擾而不輟作擾不輟刊本脫擾不二字。又夫子憮然作子憮然刊本脫作子憮然四字蓋沿近刻廣川書跋之誤今據東觀餘論及隸釋增。

洪适隸釋隸續曰漢書注引陸機洛陽記云刊本脫書字今增。又案漢書注所引洛陽記係楊龍驤撰。

此云陸機誤。又石經論語殘碑九百七十有一字案隸釋所載石經論語殘碑有千二十三字此誤。

又順帝諱保刊本帝詛宗據隸釋及後漢書改。又水經注云刊本脫注字今增下並增。

婁機漢隸字源曰靈帝從邕與馬日磾所請正定六經文字刊本六詛五據漢隸字源及後漢書改。又

尚書存一百三十九字云云案漢隸字源因所收隸字下不便逐一注出碑名故先列各碑編其次數以後即以次數注各字下俾閱者可案數查檢此一百三十九至下一百四十三皆碑目次數非碑所存字數也此書節引漢隸字源而誤。

黃虞稷曰漢石經殘碑見於洪氏隸釋者尚書僅五百四十七字案此承隸釋舊文計隸釋所載石經尚書殘碑實有五百五十四字虞稷未經改正。

卷二百八十八

魏三字石經。歐陽棐曰。案此條及後趙明誠一條載集古金石二錄。皆係晉樂毅論跋尾。與魏石經無涉。此書誤引。

王世貞曰。洛陽雖破。三字石經猶存。至馮熙與常伯夫相繼爲州。廢毀分用。大至頽落。刊本夫訛存。據魏書跋改。

唐國子學石經。顧炎武曰。石壁九經繆戾非一。如侯彊侯以彊訛疆。刊本彊疆二字互訛。據詩經改。又盲眊而交睫。刊本眊作視。據周禮改。又有國家者章義瘳惡。案今禮記本作章善瘳惡。蓋金石文字記本之經典釋文。此書仍之。又隱元年。父猶傳也。刊本訛父者何。傳也。蓋沿金石文字之訛。今據穀梁傳改。又爾雅替戾底廢云云。案此下爾雅石經異字。除是刈是穫。穫訛穫。何鼓。何訛河。係石經之訛。餘皆各本傳刻失真。當以經石爲正。如底廢作底底。釋文底底二字俱有音。郭注引詩傳釋底。引國語釋底。不釋廢字之義。其替廢云云。蓋引釋言文解替字。非謂經文有廢字也。石經不誤。又華皇也。郭注釋草引之。釋文亦先華後皇。餘若烜。殄。孳。攬。祝。鸞等字。明見釋文。燕。白脰。烏。見小爾雅。及水經注。鳶。烏醜。烏鵠醜。以上文鵠鵠醜等句例之。可見鷹。大鷹。以上文鷹大羊等句例之。可見。至木謂之虞。木訛本。魚尾謂之丙。尾上行之字。乃明人王堯典補刻闕字之誤。非石經本然。此所引顧炎武說。似非確論。

卷二百八十九

後蜀石經。雷叔聞曰。僞蜀廣政七年。其相毋丘裔案舊本九經刻諸石。案五代史孟昶相有毋昭裔。此丘

字誤。

陶宗儀曰。張德釗。孫逢吉五人。俱秘書省校書郎。刊本校訛秘。據讀書志改。
吳任臣曰。孫朋吉寫周禮。刊本吉訛古。據讀書志改。

卷二百九十

宋太學御書石經。文徵明曰。紹興二年。帝宣示御書易。詩。書。及中庸。大學。學記等。總數千萬言。刻石太學。
刊本學記訛樂記。據玉海改。

卷二百九十一

明太僕寺石刻問命。王世貞跋曰。夫以穆王之賢。一侈心啓。而七萃之士。高奔戎輩。應之。八駿之迹。徧天下。刊本輩訛輦。今改。

卷二百九十二

唐太學壁經。王履貞賦云。酌前修之模楷。刊本修訛後。據文苑英華改。

卷二百九十三

崔頤正傳。刊本崔頤正訛李至。據宋史儒林傳改。又有學究劉可名言。諸經板本多舛謬。真宗命擇官詳正。刊本擇訛擢。據宋史改。

長編。咸平四年。邢昉等上校定周禮儀禮。公羊。穀梁傳正義。其書凡一百六十五卷。案上文所引玉海作

周禮儀禮公穀傳孝經論語爾雅七經疏義凡一百六十五卷。檢宋志七經卷數亦合。此引長編止云周禮禮儀公穀傳而不及孝經論語爾雅似脫。

卷二百九十四

隋書經籍志唐武德四年克平僞鄭。盡收其圖書。刊本四年訛元年。檢隋書經籍志又據作五年。今據舊唐書改。又春秋通記亡書合一百三十部。一千一百九十卷。刊本九十下衍二字。據隋志刪。宋史藝文志孝經不著錄。二部六卷。刊本錄訛部。據宋志改。

卷二百九十五

劉勰曰。徵之周孔。則文有師矣。案上文所引俱文心雕龍宗經篇文。此句以下乃徵聖篇文。蓋誤相連屬。卷二百九十七

劉日寧曰。漢儒三繹拮据。宋人則因之以收組織章甫之效。世徒見其爲章爲甫也。案章甫殷冠。緇布爲之。此所引劉日寧說以爲織絲爲之。且以二字別開對舉。殊失其解。

卷二百九十八

蘇竟曰。玄包幽室。文隱事明。刊本闕事字。據後漢書補。

王禕曰。七經之緯。凡三十六篇。及河圖九篇。洛書六篇。又別有三十篇。與七緯合八十一篇。刊本合訛各。據隋書經籍志及困學紀聞改。

王應麟曰。書則中候。璇璣鈴。考靈曜。帝命驗。運期授。案後漢書方術傳注及尙書孔疏所引書緯。俱有刑德放。此誤股。又太平御覽又有帝書驗。期刊本脫書字。據下文增。

顏起元曰。易又有乾元序制。刊本制下衍紀字。書又有中候。刊本中候上衍期字。據隋書經籍志刪。



四庫全書考證卷四十八

子部

家語

荀子

孔叢子

鹽鐵論

新序

說苑

揚子法言

素履子

家範

帝學

張子全書

四庫全書考證

卷四十八



四庫全書考證 卷四十八

二程粹言

節孝集

御定小學集注

知言

子思子全書



一九九八

家語 魏王肅注

卷一

相魯篇。於是乃歸所侵魯之四邑。注。鄆。讎。龜陰之地也。刊本讎訛護。據左傳改。

王言解篇。其迹可履。如渴而飲。案履下別本有如飢而食四字。

儒行解篇。則留更僕。注。更之者。爲久將倦。使之相代者也。刊本更之訛歸衣。據禮記注改。

問禮篇。以烹以炙。注。炮之曰炙。案炮字已見上。以炮以燔。句是炮與炙異。不當用以訓炙。詩瓠葉毛傳。炕

火曰炙。此炮之應作炕火。

五禮解篇。富則天下無苑財。注。苑。積也。古苑字亦或作此。刊本脫苑字。今增。

卷二

致思篇。昔管仲說襄公。注。齊襄公立無常。刊本常訛知。據左傳改。又贖人受金則爲不廉。則何以相贖

乎。案則何以相贖乎。淮南子作不受金則不復贖人。

好生篇。有其言而無其行。刊本而下衍以字。又地有餘而民不足。刊本脫餘字。並據禮記刪增。

卷三

觀周篇。孔子謂南宮敬叔。注。敬叔。孟僖子子也。刊本孟訛臧。據左傳改。又一命而僂。注。僂。恭於僂。俯恭

於樞。刊本於並訛而據左傳注改。又謂從者曰。此周公所以盛也。案公別本作之。弟子行篇。是南宮縉之行也。刊本脫南字。今增。

卷四

六本篇。是故反本修邇。君子之道也。刊本邇訛迹。又合二十五人之智以治天下。刊本合下衍兩字。又脫人字。並據別本改刪增。

辨物篇。木石之怪。夔。魍魎。案魍魎。國語作罔蝮。史記作罔閭。又社稷之守爲諸侯。山川之祀者爲諸侯。皆屬於王。案山川之祀者爲諸侯。國語及史記俱無此句。又叔孫氏之車士。曰子鉏商。注。車士。將車者。子。姓也。刊本將訛持。據左傳疏改。又案車士。左傳及史記俱作車子。注。車子。微者也。與此異。

卷五

顏回篇。挫銳於邾。注。侏儒侏儒。使我敗於邾。刊本脫侏儒二字。據左傳增。又縱逆祀。注。夏父弗忌爲宗人。刊本宗訛宋。據左傳及國語改。

困警篇。聞趙簡子殺竇犢。鳴犢及舜華。案竇雙。鳴犢。國語作鳴鐸。竇犢。又史記無犢字。又遂還。息於鄒。作槃操。以哀之。案槃。史記作阪。又刊本操訛琴。據史記注改。又孔子止之曰。惡有修仁義而不免俗者乎。案俗。別本作世俗之惡四字。

五帝德篇。請問帝嚳。孔子曰。玄枵之子。喬極之孫。案喬。史記作蟠。又注云。本作橋。又富而不驕。貴而能

降案能降大戴禮作不豫。

卷六

五帝篇帝王改號於五行之德各有所統刊本脫有字據別本增。

執轡篇司會均仁以爲納注司會掌邦之六典八法八則之貳刊本脫八則二字又貳訛戒並據周禮增改。又八九七十二偶以承奇刊本承訛從據淮南子改。又無角無前齒者膏有角無後齒者脂刊本脫後字據別本增。

本命解篇冰泮而農桑起注正月農事起蠶者採桑刊本採訛援今改。

卷七

刑政篇慎測淺深之量以別之刊本脫測字據禮記增。

禮運篇龜以爲畜注成天下之亶亶者刊本脫之字據周易增。又深而通茂而有間刊本有訛不據本注及禮記改。

卷八

廟制篇古者祖有功而宗有德謂之祖宗者其廟皆不毀刊本謂之訛諸見據別本改。問玉篇聖人力此二者以恭己南面刊本恭訛躬今改。

卷九

七十二弟子篇。顯孫師注。子張不侮鰥寡。性凱弟寬沖。故子貢以爲未仁。然不務立仁義之行。故子貢譏之。以爲未仁也。案子貢以爲未仁二語。復出以論語考之。上句當作子游以爲難能。下句當作子游譏之。以未仁也。此誤。又公正無私。以取與去就以謹爲名。案下以字應作然。又瞿過四十當有五丈夫。今果然。案史記夫下有子字。又公西蒧字子尙。刊本蒧訛減。據史記改。又石作蜀字子明。刊本石訛。又據史記改。

正論解篇。陳亡周之大德。注。武王以元女大姬配胡公而封諸陳。刊本姬下行以字。又介恃楚衆。刊本介訛豕。又陳知其罪。刊本脫陳字。並據左傳刪改增。又鄭伯男也。注。伯男連言之。猶言公侯也。刊本脫伯男二字。據左傳注增。又社而賦事。烝而獻功。男女效績。愆則有辟。刊本社訛秋。賦訛戎。效訛紡。並據國語改。

卷十

曲禮篇。蓋榛以爲筭。長尺而總八寸。注。總束髮垂爲飾者。刊本複衍束髮二字。今刪。又所知吾哭諸野。刊本哭下行之字。又夫上治祖禰以尊尊之。刊本脫治字。並據禮記刪增。

子夏篇。周人卒哭而致事。注。五月而卒哭。刊本五訛正。據禮記改。

後序。案後序二篇。不著撰人名。今以文義考之。上篇當是孔安國作。下篇當是孔衍作。其卽編於十卷之末。蓋毛晉所得舊本如是。今仍之。

荀子周荀況撰 唐楊倞注

卷三

非相篇。軒較之下。而以楚霸注較。兩輪上出式者。刊本輪下衍較字。據考工記注刪。

卷四

儒效篇。有親者取多。注於分均之中。有父母者取多也。刊本中訛官。據纂圖互本改。見之而不知。雖識必妄。注謂若制氏然也。刊本氏訛力。據纂圖互注本改。

卷五

王制篇。未及取民也。注未及。謂其才未及也。取民。謂得民心。刊本也取二字互倒。今改。子產取民者也。刊本取上衍不字。據纂圖互注本刪。始則終。注始。謂類與一也。刊本一訛士。據上文改。

卷六

富國篇。然後葦菜百疏。以澤量。注猶谷量牛馬。刊本谷訛俗。據史記改。

卷七

王霸篇。養五綦者有具。注具。謂廣大富厚治辨彊固之道。刊本固訛國。據下文及君道篇改。

莫敢不敬分安制以化其上。刊本以下衍禮字。據纂圖互注本刪。

卷九

臣道篇是篡臣者也。注。篡奪其君政也。刊本君訛軍。據纂圖互注本改。
用態臣者亡。注。蓋當時之主多用佞媚變詐之人。刊本脫主字。今增。

卷十

議兵篇。臨武君與孫卿子議兵。注。故創未息而驚心未去。聞弦音烈而高飛。故創隕也。刊本上創字上行羣字。又創隕二字訛云字。據戰國策刪改。

卷十一

疆國篇。則雖爲之築明堂於塞外。注。請比秦郡縣。刊本請比訛謂此。據戰國策改。

卷十四

樂論篇。不酢而降。隆殺之義辨矣。刊本脫降字。據纂圖互注本及鄉飲酒義增。
少長以齒。終于沃洗者焉。刊本脫洗字。據纂圖互注本及禮記增。

卷十五

解蔽篇。非察是。是察非。注。以爲非者而是之。刊本是訛察。據別本改。

卷十七

性惡篇。凡論者貴其有辨。注。鄭司農云。刊本鄭訛郭。今改。
人情不甚美。注。越椒之生也。刊本椒訛叔。據左傳改。

卷十八

成相篇。吏謹將之無跛滑。注。言不使紛披泊亂也。刊本披泊二字訛在亂字下。據纂圖互注本改。

卷十九

大略篇。天子山冕。注。此云大夫裨冕。刊本此訛鄭。據正文改。

武王始入殷。注。商容殷之賢人。刊本脫容字。今增。

卷二十

賓坐篇。黼衣黻裳者。注。衣無文。裳刺黻而已。刊本脫無文二字。又黻訛繡。據周禮司服注增改。

孔叢子 漢孔鮒撰

卷上

嘉言篇。是陽動而陰應。而男唱女隨之義也。刊本陰訛陽。今改。
論書篇。聖人在上。君子在位。刊本上訛下。今改。
記義篇。况二三子于由之所親乎。刊本由訛曲。今改。

夫子曰可與聽音矣。刊本與訛興。今改。

刑論篇。乃有大罪非終。乃惟眚災。刊本大訛不。惟訛爲。並據尙書改。

書曰哀矜折獄。仲弓問曰何謂也。刊本弓訛尼。今改。

記問篇。意子孫不修。將忝祖乎。刊本忝訛泰。今改。

卷中

公孫龍篇。子爲天下故往也。刊本爲訛焉。又交友則信。處鄉則順。刊本鄉訛卿。今並改。

執節篇。言貴盡心。亦各有所見也。刊本有訛其。今改。

獨治篇。子魚居魏。與張耳。陳餘相善。刊本魏訛衛。今改。

卷下

鴉賦。時去不索。時來不逆。刊本逆訛道。今改。

與侍中從弟安國書。何圖古文。乃有百篇耶。刊本何訛河。有訛自。今並改。

鹽鐵論 漢桓寬撰 明張之象注

卷一

本議篇。今郡國有鹽鐵酒榷。注。浮食奇民。刊本民訛名。據漢書食貨志改。又古者貴以德。而賤用兵。注。

阜其財求而利其器用。刊本脫求字。據國語增。又高帝禁商賈不得仕宦。注馬至匹百金。刊本匹訛四。又市井子孫亦不得宦爲吏。刊本宦訛官。並據漢書改。又諸侯好利則大夫鄙。注僭上而行八。俗。刊本僭訛濟。據說苑改。

力耕篇。范氏以強大亡。注午與中行寅。范吉射親攻趙鞅。刊本脫與字。據史記增。又河水泛溢而有宣房之功。注發卒數萬人塞瓠子決河。刊本脫河字。又自將軍以下皆負薪實決河。是時東郡燒草以故薪柴少而下淇園之竹以爲榘。刊本實訛致。又東下衍流字。並據漢書增刪。通有篇。弦高飯牛於周。注鄭之賈人弦高。蹇他相與謀。案蹇他呂覽作奚施。

卷二

禁耕篇。諸侯納管鍵。注攝衽抱機。刊本抱訛袍。據戰國策改。又黨殊俗易。注修其教不易其俗。刊本教訛改。據王制改。

復古篇。管仲負當世之累而立霸功。注故業與三王爭流。名與天壤相敵也。刊本脫王字。據國策增。非鞅篇。昔商君相秦。注勸民耕農利士一室無二事。刊本脫事字。據史記增。又自天地不能兩盈。注五采矐眼有時而渝。案矐眼淮南鴻烈解作雖朗。又吳起長兵攻取。注吳起爲楚滅爵祿之令。刊本滅訛滅。據鴻烈解改。又扁鵲不能肉白骨。注趙王太子暴疾而死。案趙王史記作虢。又今商鞅棄道而用權。注然刻深寡恩。特以強服之耳。刊本服訛行。據戰國策改。又大夫種輔翼越王。注墾草入邑。

辟地殖穀。案入戰國策作狝。

卷三

刺權篇富累於陶衛。注魏冉封陶。商鞅姓衛。案陶當謂陶朱。衛當謂子貢。此誤。又巴歛作於堂下。注引商刻羽。刊本刻訛列。據楚詞改。又西域傳曰巴歛二州名。案此語西域傳無之。見顏師古注。歛作兪。水名。今渝州也。此誤。

刺復篇曹丞相日飲醇酒。注欲有所言。刊本欲訛必。又蕭何爲法。類若畫一。刊本若訛居。並據史記改。又昔周公之相。注所贊而師者十人。刊本十字下衍二字。據韓詩外傳刪。又公孫丞相以春秋說先帝。注然而無益於俗。稍務於功利矣。刊本俗稍訛治。據漢書改。

論儒篇齊宣之時。注王斗對曰。王聞之過。刊本下王字訛臣。據戰國策改。又商君以王道說孝公。不用注。安能邑邑待數百年而成帝王乎。刊本數十百訛作十數二字。據史記改。又魯公殺子赤。注魯宣公者。魯文公之弟也。案史記魯世家。文公次妃敬嬴生宣公。此誤。

卷四

輕重篇扁鵲撫息脈而知疾。注言臣齊勃海。秦越人也。家在於鄭。刊本脫秦字。又以更熨兩脇下。刊本脇訛臍。並據史記增改。

未通篇老杖於鄉。注七年曰悼。刊本年訛十。據曲禮改。又六十不與服戎。刊本脫戎字。據王制增。

地廣篇立郡寇縣虜之地注。旁小邑皆貪漢繪帛。以爲道遠。漢終不能有也。故皆且聽命。司馬相如亦言西南夷印笮可作郡。刊本繪訛贈終訛中郡訛都。並據史記改。

卷五

毀學篇縣門腐鼠注。虞氏富樂之日久矣。刊本氏富訛作世審。據列子改。又願任重而上峻坂。刊本上訛止。據戰國策改。

褒賢篇主父見困厄之日久注。游齊諸子間。刊本子訛生。又諸侯賓客多厭之。刊本侯訛公。並據漢書改。

相刺篇猶辰參之錯注。日尋干戈以相征討。刊本尋訛操。討訛伐。並據左傳改。又朝無忌臣者政簡注。脯鬼侯醢梅伯。刊本梅訛海。又微子去之。箕子執囚爲奴。刊本脫箕子二字。並據韓詩外傳改增。

卷六

殊路篇宰我秉事有寵於齊。案左傳闕止字。子我非孔門之宰我也。此以字相同而訛。又宋襄公知孔父之賢而不早任。案襄說苑作傷。又孔悝爲政注。乃下石乞壺壓攻子路。案壺壓左傳作孟黶。論語隱義作狐黯。又晏嬰不死崔慶之難注。包胥重繭而存郢。刊本繭訛璽。據戰國策改。又惡人盛飾注。步雜芝若。刊本若訛石。據淮南子改。

論賢篇范睢行之穰侯注。因使縣官給牛車以徙。刊本因訛國。據史記改。

遵道篇是文質不變而椎車尙在也。注韓非子曰古者寡事而備簡樸陋而不盡故有珣銚而椎車者案椎輪爲大路之始故曰文質不變而椎車尙在注引韓非子誤又晏子相三君異道注有道卽順命刊本命訛行據史記改又故有改制之名無變道之術刊本道訛通據漢書改論誹篇此顏異所以誅黜注今侯朝賀以蒼璧直數千而其皮薦反四十萬刊本萬訛餘又見令不使不入言而腹誹刊本腹訛腸並據史記改又趙簡子得叔向而盛青肩誦案左傳昭公二十九年趙鞅始見于傳是時羊石氏之滅已二年矣叔向與趙文子同時此誤

卷七

利議篇以毛相馬注秦公謂伯樂刊本謂訛請又使人往取之牝而驪刊本往訛牲牝訛特並據淮南子改又驥之才千里非造父不能使注獸窮則觸案觸韓詩外傳作器國語篇文景之際注或至并兼豪黨之徒以武斷于鄉曲刊本于訛至據漢書改散不足篇鳥獸魚鼈不中殺不食刊本殺訛殺又古者明器有形無實注之生而致死之刊本生訛死並據禮記改又及秦始皇覽怪迂信禳祥注自阿房度渭水刊本自訛有據說苑改又先帝誅文成五利等注是時上方憂河決而黃金不就刊本而訛有據史記改除狹篇予狂夫利劍注不知而辨慧懼給刊本懼訛懷又雖有材能其施之不當其處之不宜適足以輔僞飾非刊本有訛其輔訛轉並據淮南子改

卷八

崇禮篇。聖王以質為寶。注。雜事篇曰。齊宣王與魏惠王會田于郊。案宣史記作威。

卷九

鹽鐵取下篇。上下交讓而天下平。注。是故臣盡力死節以與君。君計功垂爵以與臣。刊本脫一君字。又功

訛君。並據淮南子增改。又履畝之稅。注。公田稼不善則非民。刊本民訛力。據穀梁傳改。又衛靈公

當隆冬興衆穿池。注。刺奢篇曰。衛靈公以天寒鑿池。刊本刺奢訛雜事。又奧隅有竈。刊本隅訛虞。並

據新序改。

誅秦篇。侵暴中國。注。遂取周之地焦穫而居于涇渭之間。刊本焦穫訛鹵獲。又晉文公攘戎翟居于西

河。圖洛之間。刊本圖訛圖。又今匈奴蠶食內侵。注。漢使大將軍衛青將六將軍十餘萬人出朔方高

闕。刊本闕訛朔。又得右賢王人衆男女萬五千人。裨小王七十餘人。刊本脫七字。又單于怒昆邪

王休屠王居西方為漢所殺。刊本居訛屠。又秦任戰勝以兼天下。注。秦穆公都雍。如。刊本如訛郊。

又辟地千里。并國十四。刊本四訛二。並據史記增改。

世務篇。執禽而朝之。注。搢笏而朝天下。刊本搢訛挺。據淮南子改。

卷十

和親篇。是以古者蒐獮振旅而數軍實焉。注。天下既平。天子大凱。刊本子訛下。又匈奴絕和親。注。陽為

賣馬邑城以誘單于。刊本脫邑字。並據史記改增。又文王誅犬夷。注融吾生弁明。弁明生白犬。刊本弁並訛弄。據路史改。又武王之伐殷也。注四年起師而東。至商郊牧野。乃作牧誓。刊本牧誓訛木檐。據帝王世紀改。又家貧族少。慮患者寡。刊本寡訛貧。據淮南子改。

險固篇。蒙公築長城之固。注徙適戍以充之。刊本戍訛戎。又戍卒陳勝。注材能不及中庸。非有仲尼墨翟之賢。刊本脫中庸二字。又尼訛弓。並據漢書增改。

論勇篇。使專諸空拳。不免於爲禽。注使其二弟公子蓋餘。屬庸將兵圍楚之六灣。刊本脫六字。據史記增。又孫臏之破梁。注明曰爲五萬竈。龐涓行三日大喜。案竈下史記有又明曰爲二萬竈七字。此節去非。又陳勝無士民之資。注吏民不相膠。刊本膠訛繆。據淮南子改。又聶政自衛。由韓廷刺其主。注因自皮面抉眼屠腸。刊本皮面二字互倒。據國策改。

卷十一

論功篇。匈奴車器無銀黃絲漆之飾。注匈奴居于北邊。刊本邊訛蠻。據漢書改。又秦權使其士。虜使其民。刊本虜訛虐。據史記改。又朝鮮之王。注築鄣塞。刊本鄣訛彰。又魍結蠻夷服而東走。刊本魍訛魁。又稍役屬眞番。刊本役訛後。並據史記改。

論鄒篇。有大瀛海圍其外。刊本大訛八。又堯使禹爲司空。注夏后氏戚之。刊本戚訛暨。並據史記改。論蒼篇。知伯以貪狼亡其身。注周書曰將欲敗之。必姑輔之。刊本周書訛王章。輔訛婦。並據戰國策改。

又星列于天厓。抱珥蜃。刊本蜃訛蟲。據漢書改。又書長于五行。注水之爲言濡也。刊本濡訛淮。據白虎通改。

卷十二

申韓篇。世無儒墨。注儒分爲八。墨離爲三。刊本八三二字互訛。據韓非子改。又吳子以法治楚魏。注可博聞而世傳者也。刊本聞訛內。據淮南子改。

詔聖篇。魯好禮而有季孟之難。注弗誅必危社稷。刊本弗訛其。又仲孫氏叔孫氏相與謀。刊本叔訛季。並據淮南子改。又禹薦益已而以啟人爲吏。及老而以啟爲不足任乎天下。刊本上以字訛必。下啟字下衍人字。並據史記改刪。

大論篇。繩之以法。注是猶持方柄而內員鑿也。刊本內訛周。據淮南子改。又文王興而民好善。注屠牛吐一朝解九牛案吐。漢書作坦。又用刀十九年而刀如新。刊本脫刃。今補。又治未形。覩未萌者。君子也。注堯戒曰戰戰慄慄。日慎一日。刊本曰訛自。並據淮南子增改。

新序 漢劉向撰

卷一

雜事。昔者周舍事趙簡子。條吾未嘗聞吾過也。刊本吾訛君。據別本改。

魏文侯侯。次至翟黃。案黃通鑑作璜。

楚威王問于宋玉條。其爲陽陵採薇。案陽陵採薇。文選作陽阿薤露。與此異。

卷二

扁鵲見齊桓侯條。湯熨之所及也。刊本熨訛慰。據史記改。

魏文侯出遊條。此非所以賀我也。刊本脫非字。據別本增。

卷三

樂毅爲昭王謀條。是時齊閔王已死。刊本王訛公。據史記改。

卷七

節十。延陵季子條。吾受爾國。刊本受訛授。據史記改。

公孫杵臼條。於是立趙氏。刊本立訛召。據史記改。又我將下報趙孟與公孫杵臼。刊本下訛未。今改。

卷八

義勇。宋閔公臣長萬條。趨君之難。刊本君訛臣。據別本改。

卷九

善謀。秦孝公欲用衛鞅之言條。臣聞之。法古無過。刊本臣訛爾。據史記改。

秦惠公時。蜀亂。國又相攻條。今夫蜀。西僻之國。而戎狄之長也。刊本長訛倫。據戰國策改。又其於禁王。

之爲帝有餘矣。刊本禁訛楚。據別本改。

說苑 漢劉向撰

卷一

君道。河間獻王條。太山在其南。殿山在其北。案戰國策作文山在南。衡山在北。韓詩外傳作衡山在南。岐山在北。

燕昭王問於郭隗條。樂毅聞之。從魏歸燕。刊本魏訛趙。據新序及戰國策史記改。

卷三

建本。周召公條。好問近乎知。案問禮記作學。

卷四

立節。齊莊公且伐莒條。而杞梁華舟獨不與焉。案舟左傳孟子並作周。

佛胥條。佛胥脫履而生之。刊本脫履二字訛作播字。又脫生字。並據新序改增。

卷五

貴德。孝宣皇帝初卽位條。正始受命之統。刊本脫命字。據漢書增。

孔子之楚條。天暑市遠。刊本市遠二字互倒。又使弟子掃地將祭之。刊本地訛除。並據家語改。

凡人之性莫不欲善其德條。故其五年始書螟。刊本五訛元。據春秋改。智伯還自衛條。今主一宴而魏人君相。刊本宴訛謀。據國策改。

卷六

復恩。孔子曰德不孤條。北方有獸。其名曰鑿。案北爾雅作西。此從山海經。

晉文公出亡條。舟之僑獨不與焉。案左傳僖公二十八年。圍曹之役。舟之僑始爲戎右。返自城濮。遂殺之。未聞有逃賞之事。且有龍矯矯及廉者不受等語。與上介之推一條。及新序節士篇所載介之推事同。當是傳聞各異。

卷七

政理。子貢曰葉公問政於夫子條。內比周以感其君。刊本周下衍公字。據家語及韓非子刪。宓子賤爲單父宰條。奉祿雖少。鬻鬻不足及親戚。案鬻鬻家語作饘粥。

卷八

尊賢。孔子之郟條。士不中道而見。刊本脫道字。據韓詩外傳增。

卷九

正諫。景公飲酒條。敗於夫湫。案湫左傳作椒。

卷十

敬慎。孔子觀於周廟條。蓋爲宥坐之器。刊本宥訛右。據韓詩外傳改。

魏安釐王十一年條。申旗伏琴而對。刊本琴訛瑟。據戰國策注改。又案申旗伏琴。國策韓非子俱作中期推琴。

卷十一

善說。襄成君始封之日條。心幾頑而不絕兮。得知王子。刊本得知二字互倒。據郭茂倩樂府改。
莊周貧者往貸粟於魏文侯。案魏文侯。莊子作監河侯。

卷十二

奉使。陸賈從高祖定天下條。今王衆不過數十萬。案漢書陸賈傳無十字。

卷十三

權謀。趙簡子條。晉有澤鳴犢犢。案澤鳴犢犢。家語作竇犢。鳴犢舜華。史記作竇鳴犢舜華。俱與此異。
智伯從韓魏之兵以攻趙條。不棄美利而偕約。刊本偕訛諧。據戰國策改。
孔子問漆雕馬人曰。案漆雕馬人。家語作漆雕憑。

卷十五

指武。田單爲齊上將軍條。黃金橫帶。刊本訛作金銀黃帶。據戰國策改。

卷十七

雜言自南宮頃叔之乘我車也。而道加行。案頃叔家語史記並作敬叔。

淳于髡條。子思子庚爲臣。案子庚。孟子作子柳。

夫夫智者何以樂水條。天地以成。國家以寧。刊本脫天地以成四字。又寧訛成。並據韓詩外傳增改。

卷十八

辨物凡六經帝王之所著條。黃帝卽位。施聖恩。承大明。一道修德。刊本施訛惟。大訛天。一道二字互倒。又

脫德字。並據唐類函改增。

扁鵲過趙條。物故有味。投而中蚊頭。刊本投訛掃。蚊訛蛟。並據韓詩外傳改。

卷十九

修文樂者聖人之所樂也條。小人以聽過。刊本以下衍飭字。據禮記刪。

卷二十

反質秦穆公問由余條。穆公奢主。能聽賢納諫。刊本公訛王。據上文改。

揚子法言

晉李軌唐柳宗元注
宋宋咸吳祕司馬光重添注

卷二

吾子篇。或問蒼蠅紅紫。注。紅卽朱也。蓋正色焉。案朱爲南方正色。火克金爲紅。注誤。

糟苧曠沈注苧郭也刊本郭訛孰今改

卷三

問道篇及槌提仁義注嘗試稽之家語刊本稽之家語訛家語之稽今改

卷四

問神篇敢問潛心於聖注問何以潛心於聖人之道刊本何訛可今改

若范蔡其如聖何注爲剛成君刊本剛訛綱據國策改

卷六

五百篇墨晏儉而廢禮注澣衣濯冠以祭案祭禮記作朝

卷七

重黎篇而天下不匡注夢黃蛇自天下屬地刊本蛇訛蜿據史記改

卷十

孝至篇勤勞則過於阿衡注又與董賢同官刊本董訛薰官訛室並據漢書改

素履子唐張弧撰

卷下

履樂篇石聲磬經以立別案經監本樂記作磬別本辨又濫以立信信以嚴衆案信監本樂記作會嚴作聚俱與此異

家範 宋司馬光撰

卷三

母條唐相李義府專橫刊本府訛甫據唐書改

卷五

子條得黃金一釜刊本釜訛忽據後漢書改

卷九

妻條羊子感其言復還終業刊本還終二字互倒今改

帝學 宋范祖禹撰

卷一

周武王條毋曰胡殘其禍將然毋曰胡害其禍將大毋曰胡傷其禍將長刊本胡並訛相並據大戴禮改
成王條傅之德義刊本之訛其據漢書改 又相我受民刊本民訛命據尚書改

卷二

玄宗條。宰臣李林甫等請宣布中外。刊本請訛講。據唐書改。

卷四

仁宗條。視事雙日。如先帝故事。刊本故訛政。又仰承先訓。紹續慶基。刊本紹續二字互倒。並據宋史改。

卷八

神宗條。今爲制置三司條例司何也。刊本條例二字互倒。據宋史改。

張子全書 宋張載撰

卷十一

易說繫辭。是以君子將有爲也節。非周知兼體則神不能通天下之故。原本複衍故字。今刪。夫乾天下之至健也節。知險阻故能研諸慮。原本脫知字。據正蒙增。

一程粹言 宋楊時編

卷上

論道篇。其命于人。則謂之性。刊本于訛在。據朱子語類改。

或問商丘開之事信乎。刊本丘開二字互倒。據列子改。

卷下

人物篇語其大。至天地之所以高厚。刊本闕其大二字。據朱子語類補。

節孝集 宋徐積撰

卷一

和楊掾月蝕篇。張禹之蔽入於佞。刊本張訛蕭。據漢書改。

卷十一

和倪敦復雨聲雲罷風颯颯。刊本脫一颯字。今增。

御定小學集注

卷一

立教篇十有五年而筭。注婦人不冠。以簪固髻而已。刊本固訛故。據禮記注改。
六藝注方田粟米。刊本米訛布。據周禮注改。

卷二

明倫篇爲宮室辨外內刊本外內二字互倒據禮記改。

卷三

敬身篇淫樂隱禮不接心術刊本樂訛聲據禮記改。

毋揚飯注揚謂以手散其熱氣刊本脫以手二字據禮記集說增。

卷四

稽古篇加之以紘緼刊本脫之字據國語增。

卷五

嘉言篇張思叔注思叔名繹刊本繹訛鐸據宋史改。

卷六

善行篇毋當欲生魚刊本欲訛研據晉書改。

啄啄庭中拾蟲蟻刊本拾訛捨據韓昌黎集改。

知言 宋胡宏撰

卷一

天命之謂性條心也者知天地宰萬物以成性者也案朱子云以成性者也此句可疑欲改作而統性情

也。張栻謂統字亦恐未安。欲作主性情。今仍原文。又刊本無此一節。因朱子疑之。故將全節刪去。今仍永樂大典之舊。

有三代之道不行條。此三代之治所以不復也。原本脫所以二字。今據刻本增。

陰陽之升降條。是故仁者雖切切於世。而亦不求道之必行也。案刊本無道字。今從原本。

一裘裳也條。夫衣非隨時有異輕重也。案有異。刻本作而有。今從原本。

道充乎身條。蒙心之官。案官。刻本作言。今從原本。

道無不可行之時條。而權度縱釋不在我者也。案度。刻本作變。今仍原本。

萬物生於天條。天理人欲同體而異用。案此條。朱子謂天理人欲混爲一區。恐未允當。

誠者命乎道之條。案刻本以此條爲全書之首。今仍永樂大典原本。

有毀人敗物之心者條。油然而乎物各當其分。而無爲者君子也。案平刻本作乎。今仍原本。

釋氏之學必欲出死生者。原本欲字下脫出字。今據刻本增。

卷二

胡子喟然嘆曰條。賦命萬物。無大無細。各足其分。案命。刻本作形。今從原本。

心無乎不在。本天道變化爲世俗。酌酢。案朱子云。本天道變化爲世俗。酌酢。世俗二字有病。猶釋子謂父

母家爲俗家也。擬改日用字。又云。雖改此字亦未妥。此兩句大意自有病。有心要本天道以應人事。則

胥次先橫一物。天人之際終不能合。

唯仁者爲能所執無非禮。所行無非義。原本仁訛人。據別本改。

魚生於水條。飲食車馬衣裘宮室之用。道所有以濟生者。案有以二字。刻本互倒。今從原本。

卷三

或問周室衰微。刻本無微字。今從原本。

漢唐以來條。新其政。光其國。爲萬世之大君乎。案大。刻本作人。又後世必有高於漢唐賢君之聰明者。

刻本無於字。今並從原本。

人欲盛則天理昏條。安死順生與天地同其變化。案刻本無化字。今從原本。

三王正名興利者也。案與。刊本作與。今從原本。

卷四

或問性條。善不足以言之。况惡乎。案朱子云。此章言性無善惡。及下章心無死生。似皆有病。心無死生。幾於釋氏輪迴之說矣。

凡天命所有條。案朱子云。此章亦是性無善惡之意。聖人所中之節。亦性所固有。性之本善明矣。又謂此段自聖人發而中節以下應刪去。而以一言斷之云。亦曰天理人欲之不同爾。

彪居正問心條。欲爲仁。必先識仁之體。案朱子云。此語大可疑。又云放心求心之間甚切。而所答者反若

支離。

春秋之時周平不天。案周平不天。刻本作周政已失。今從原本。
趙幼翁言學條。滯情於章句之末。案滯。刻本作留。今仍原本。

卷五

胡子假陸賈對漢高條。案此條及下假漢高二條。永樂大典失載。今從刻本增。
人之道。奉天而理物者也。案奉天而理物者也。刻本作奉天理者。今從原本。
奉天而理物。儒者之大業也。案刻本物下多一者字。今從原本。

卷六

天地聖人之父母也。條。性不能不動。動則心矣。案朱子云。心性體用之說。自上蔡謝子失之。此云性不能
不動。動則心矣。語尤未安。

分天下有德有功者以地。條。數易之弊。生而民無定制矣。案刻本無制矣二字。今從原本。


附錄

東萊云。知言勝似正蒙。先生曰。後出者巧也。案後出者巧也。句。刻本作正蒙規模大知言小。
做出那事。便是這裏有那理。案附錄中俚語甚多。蓋從語錄中撮抄。不復加以潤色故也。

子思子全書 宋汪暉編

外篇無憂章。子思問於仲尼。條心之精神。是謂聖區。推數究理。不以物疑。案大戴禮無區物二字。魯穆公章。此固世爲諸侯矣。刊本固訛四。據孔叢子改。

任賢章。今君不問李音之所以爲賢。而聞其世農夫。因笑而不言。刊本聞訛問。笑訛受。並據孔叢子改。



四庫全書考證卷四十九

子部

大學衍義

北溪字義

孔子集語

讀書分年日程

辨惑編

治世龜鑑

讀書錄

讀書續錄

大學衍義補

楓山語錄

東溪日談錄



涇野子內篇

張子抄釋

二程子抄釋

格物通

御製考經衍義

御覽經史講義

小心齋劄記

思編錄輯要

雙橋隨筆

三魚堂賸言


問學錄

榕村語錄

李衛公問對

守城錄

管子



管子補注
韓非子

四庫全書考證 卷四十九



11011



大學衍義 宋真德秀撰

卷一

中庸條。然必親師取友。然後修身之道進。刊本脫取字。據中庸章句增。後宮盛色則賢者隱處。刊本處訛微。據漢書改。

卷四

憲宗留意典墳條。帝遂採尙書、春秋、史、漢等卷。刊本史訛字。今改。

卷五

孟子條。四端云者。猶有物在中而不可見。刊本四訛日。今改。

卷七

太宗嘗謂近臣條。乾曜等不能以義正君。刊本等訛說。今改。

卷八

漢文帝初卽位條。淮南王長。注。孝文之弟。刊本弟訛帝。今改。

卷九

定公問使臣條。二者皆職分所當然。非相爲報也。刊本報訛僞。今改。

鹿鳴條。食野之苹。注。今蘓蒿也。刊本蘓訛蘋。據爾雅改。

卷十四

孟子條。迨其末年。城緣陵而散。注。僖十四年。刊本四訛三。據左傳改。

卷十六

後元年帝居禁中條。亞夫心不平。顧爲尙席取箸。刊本席訛食。據史記改。

卷十八

東都京房上疏條。上最所信任。刊本所訛字。據漢書改。

卷二十

崔允喜陰計條。時有崔昭緯者。刊本緯訛偉。據唐書改。

卷二十一

優施教驪姬條。吾聞申生甚好仁而彊。刊本脫好字。據國語增。

卷二十二

吳王闔閭條。敗吳于樵李。刊本樵李訛姑蘇。據左傳改。

鄒忌爲齊相條。公孫闈謂鄒忌曰。公何不爲王謀伐魏。案公孫闈。戰國策作公孫閱。史記作公孫閱。

卷二十五

帝曰棄條。明允者聖人用刑之法。刊本脫人字。今增。

卷二十七

東山條。果羸之實。注。果羸。栝樓也。刊本栝樓二字互倒。據爾雅改。

唐德宗貞元二年條。前云兩稅之外。悉無他徭。刊本稅訛歲。據通鑑改。

卷二十九

抑之七章曰。刊本七訛五。據下文所引詩句改。

卷三十四

隋煬帝築西苑條。上帝安得而不震怒。刊本複衍而字。今刪。

卷三十五

衛侯在楚條。自在位可畏。以下凡十言。刊本可畏訛省威。據上文改。

卷三十六

漢顯宗明德馬皇后條。昔竇太后。注。文帝后。景帝母也。刊本文訛景。景訛武。又王皇后。注。景帝后。刊本

景訛武。並據漢書改。

成帝趙后條。禮敬爲大。敬之至矣。刊本脫矣字。據禮記增。

卷三十七

瞻卬凡伯條。惟酒食是議。刊本脫食字。據毛詩增。

漢孝宣許后條。宣帝養掖庭。號皇曾孫。刊本脫皇字。據漢書增。

卷三十八

孝元王皇后條。廣戚侯子嬰。刊本戚訛成。據漢書改。

卷四十二

隋文受周禪條。則身爲宮卿。刊本宮訛公。據上文改。

卷四十三

漢文帝竇后條。此兩人所出微。不可不爲擇師傅。刊本脫兩人二字。據漢書增。

北溪字義 宋陳淳撰

卷上

性條。物得氣之偏。原本物得二字互倒。今改。

仁義禮智信條。孟子謂知斯二者弗去是也。原本脫知字。今增。

卷下

鬼神條。今世多有取女子之子爲後。以姓雖異而有氣類相近。似勝于同姓而屬疏者。原本脫同字。今增。

鬼神之所以能近人者。皆由人之精神自不足故耳。原本近訛重。今改。

孔子集語 宋薛據撰

卷上

孔子御條。今以五穀之長。雪果藏之下。刊本藏訛。竄下訛上。並據唐宋叢書改。

持盈條。所先見者四十九人。刊本脫四字。據韓詩外傳增。

六藝條。春秋以道義。刊本脫道字。據史記增。

楚救陳。軍於城父。刊本於訛以。據史記改。

漆雕氏條。廉平之守。不可攻也。刊本攻訛攷。據說苑改。

卷下

子出衛條。得堯之類。刊本類訛志。據韓詩外傳改。又從後視之。高肩弱脊。循循固得之。轉要下四寸。此

惟不及四聖者也。案今本韓詩外傳無循。循至要下四寸十字。

齊桓公條。臣故畜牝牛生子而大。刊本脫生子二字。據說苑增。

子夏問條。毀仁惡士。且近于刑。刊本且訛見。據說苑改。

讀書分年日程

卷三

晉注光明也。而爲晉國之晉。案詩正義。晉國以晉水得名。則晉字之義一變而爲晉水之晉。晉國又其後也。此尙未詳附識。

个注梓人爲侯。刊本脫梓字。據考工記增。

登注春秋登來。案此本公羊傳文。徑作春秋誤。

游注旌旗之旒也。刊本之旒訛資游。據說文改。

兄注兄之爲悅。刊本悅訛況。據詩箋改。

殿注民之方殿屎。案說文引毛詩殿屎作唵呶。其字从口。故毛傳云呻吟也。今本作殿屎。乃傳寫之訛。此

據作殿字借音非。

論象形之惑條。豐亦俎豆之滿者也。刊本滿訛衍。據說文改。

論遷革條。泉本貨錢之錢。案周禮鄭注。布泉也。取名於水泉。其流行無不徧也。則泉本水泉之泉。借爲貨

錢之錢耳。此誤。

辨惑編 元謝應芳撰

卷一

或問命條。若立巖牆之下。刊本缺立巖牆三字。據法言補。天子之社稷條。大夫士宗廟之祭。刊本脫士字。據禮記增。

卷二

周益公條。以塞不修人事而以袁安爲口實者。刊本塞訛唐。據明善錄改。

治世龜鑑 元蘇天錫撰

趙晉爲相條。滿卽焚于通衢。刊本卽訛郡。今改。

讀書錄 明薛瑄撰

卷三

性是本來條。惟存而又存。則道義由是而出矣。原本而又訛作之人。據易本義改。

卷六

漢唐以來條。如日月經天。而燭火自息。原本燭訛嚼。今改。

卷七

以言乎遠條。以言乎天地之間則備矣。原本脫則字。據周易增。

讀書續錄 明薛瑄撰

卷一

周子誠上章條。陰陽互根。原本互訛立。據太極圖說改。

卷二

天人禍福相應之幾。至微而不爽。原本脫不字。今增。

卷四

履之上九條。坤六二言義。原本脫二字。今增。

卷五

宴好之私。不形于動靜。案宴好之私。漢書作宴私之意。

卷十一

程子曰氣清則才善條。性有三品之說。原本品訛性。據昌黎集改。

大學衍義補明邱濬撰

卷首

大畜六四童牛之牯注君子法積豕之義刊本法訛發據程傳改。

卷一

太宰之職條三曰禮典刊本禮典二字互倒據周禮改。

卷二

成公二年條救孫桓子刊本救訛叔據左傳改。

卷四

襄公十四年條阜隸牧圉刊本圉訛圍據左傳改。

卷九

元朔元年條今詔書昭先帝聖緒刊本詔訛昭據漢書改。

卷十一

荀卿條上臣事君以人刊本君訛臣據荀子改。

卷十三

周禮大司徒之職條辨其山林注積石曰山刊本山訛生據周禮注疏改。

卷十六

荒政條四曰弛力刊本力訛役據周禮改。

卷二十五

漢宣帝時大司農耿壽昌奏言條貴時減價而糶刊本糶訛糴據漢書改。

卷二十九

穆宗時王播爲鹽鐵使條注榷茶起于養兵刊本茶訛率據通典改。

卷三十三

周世宗謂侍臣條倉廩所納新物刊本納訛約據冊府元龜改。

卷三十四

元史食貨志條注爲防海義民刊本義民二字互倒據元史改。

卷三十九

故聖人之所以治人七情條禮運何謂七情刊本七訛人據禮記改。

卷五十三

儀禮士相見條冬用雉刊本冬訛多據儀禮改。

卷六十六

大司樂條。舞大磬。刊本磬訛磬。據周禮改。

卷六十九

大學之教也條。故安其學。刊本學訛樂。據學記改。

卷七十二

故君子尊德性而道問學。注。蓋非存心。刊本存訛有。據集注改。

卷八十

文王世子條。注。學中擊鼓。刊本中訛士。據集說改。

卷九十

予欲觀古人之象。注。宗彝虎雉。刊本虎訛龍。據尚書集傳改。

卷九十二

保章氏掌天星條。注。使知所趨避。刊本知訛之。據纂言改。

卷九十三

漢興張蒼首律條。靡不協同。刊本靡訛按。據漢書改。

卷九十五

凡律度量衡條。不爲風雨暴露改其形。刊本暴訛異。據漢書改。

卷九十八

周禮大司徒以本俗六安萬民。刊本本下衍夫字。俗下脫六字。並據周禮增刪。

卷一百五

晉武帝時劉頌上疏條。事使之然也。刊本然訛善。據晉書改。

卷一百十二

章帝元和三年。刊本章訛宜。據漢書改。

卷一百十八

旅賁氏條。執戈盾。刊本盾訛質。據周禮改。

卷一百二十四

仲夏之月條。注班馬政。布養馬之政令也。刊本政布二字互倒。據集說改。

楓山語錄 明章懋撰

藝文條。鄭莊公之子忽爲世子。而突乃庶子。皆由祭仲而立。原本仲訛伯。據左傳改。
昔曹子建制譙樓。畫角三弄之曲。原本曹訛曾。今改。

是故拔茅征吉。戶庭無咎。謀出處也。原本茅訛莞。今改。
人物條。許衡吳澄之學。原本澄訛沈。據元史改。

東溪日談錄 明周琦撰

卷五

祭祀談。蕭齊永明二年。原本蕭訛者。據通鑑改。

卷六

學術談。不造融會貫通處。原本脫通字。今增。

卷十一

經傳談。至聞善言見善行。却又與野人異。原本脫見字。今增。

卷十二

著述談。五聲二變之數。變律半聲之例。原本脫五字。據性理精義增。

卷十三

史系談。外壬。河亶甲。而囂又河決以遷相。原本壬訛丙。據史記改。

涇野子內篇明呂柟撰

卷一

濤問仲尼條傳其常情無傳其溢言刊本脫常字據法言增

卷七

成之子吉初見條燕辟廢其學原本辟訛友據學記改

卷八

陳世瞻問水之潮汐條六合之內聖人論而不議原本論訛議議訛辨案莊子改

卷九

問人多惡聞過條諫我必于衆人中原本於下衍疑字又面訾不譽也原本不下衍面字並據說苑刪

卷十六

象先問禎祥條此等處唯是至誠纔知得原本脫誠字今增又石祁子兆衛人以龜爲有知也原本以

字訛在子字下據檀弓改

卷十九

問聖人亦重名乎條與日月兮齊光原本光訛明據楚詞改

卷二十

象先問抑戒條。始終不失其政。其唯周公乎。係之爾。遠矣哉。原本爾訛風。據文中子改。

卷二十二

楷問稱叔度條。汪汪千頃。陂澄之不清。淆之不濁。原本陂訛波。淆訛撓。並據後漢書改。

張子抄釋 明呂柟撰

正蒙太和篇。氣之爲物。散入無形。刊本入訛爲。今改。

參兩篇。金之爲物。得火之精於土之燥。得水之精于土之濡。刊本上土字訛火。下土字訛水。今並改。

卷二

動物篇。形軋氣。羽扇。嚙矢之類。刊本嚙訛敲。據莊子改。

至當篇。其違道也遠矣。刊本違訛爲。今改。

卷三

乾稱篇。大率知晝夜陰陽。則能知性命。刊本下知字訛一。今改。

理窟禮樂篇。古所謂息土之民不才者此也。案息。國語作沃。

一程子抄釋 明呂柟撰

卷三

入關語錄。高宗感傳說。刊本宗訛祖。今改。

卷五

張繹錄。程子之整屋。刊本整訛整。今改。

格物通 明湛若水撰

卷一

詩大雅抑條。屋漏猶且不愧。刊本屋訛室。今改。

卷三

春秋莊公十二年條。髡彼兩髦。刊本髦訛毛。據毛詩改。

左傳襄公二十七年條。子展其後亡者也。刊本其訛而。據左傳改。

卷五

易巽條。先庚三日。刊本三訛一。據周易改。

卷九

書五子之歌條。禽荒、耽遊畋也。刊本畋訛略。據尙書改。

卷十三

詩大雅板條。渝變也。刊本渝訛儉。據鄭箋改。

卷十七

漢和帝永元元年。刊本上元字訛和。據通鑑改。

卷二十一

周禮秋官司儀。刊本秋訛春。又南鄉見諸侯。刊本脫見字。並據周禮改增。

卷二十二

左傳襄公三十一年條。紂囚文王七年。刊本年訛十。據左傳改。

卷二十七

禮記曲禮條。博聞強識。開發吾之聰明也。刊本脫強字。今增。

卷三十一

宋元符末徽宗卽位條。太后於哲廟母也。刊本哲訛折。據宋史改。

洪武四年條。時妃有王父喪。刊本脫王字。據下文增。

卷三十三

唐肅宗至德元載刊本至訛正據通鑑改。

卷三十六

文王世子條文王再飯亦再飯刊本再訛載據禮記改。

卷三十七

漢昭帝元鳳四年條願將軍定大策刊本策訛冊據綱目改。

卷三十九

殤帝延平元年條其明加檢敕勿相容護刊本加訛知據通鑑改。

卷四十四

左傳定公四年條寡君越在草莽未獲所伏刊本未訛小據左傳改。

國語宣公夏濫于泗淵條貪無藝也刊本藝訛執據國語改。

卷四十六

禮記祭義條夫孝置之而塞乎天地刊本乎訛之據禮記改。

卷四十七

陳宣帝太建六年刊本宣訛文太訛大並據陳書改。

卷五十

唐柳宗元郭橐駝傳。愛之太殷。憂之太勤。刊本殷訛恩。又我知種樹而已。官理非吾業也。刊本脫官字。並據柳州集改增。

卷五十一

國語祭公謀父條。遠無不服。刊本脫不字。據國語增。

卷五十五

禮記坊記條。坊民之所不足者也。刊本復衍之字。據禮記刪。國語管子條。擊莫除田以待時耕。刊本莫訛莫。據國語改。

卷五十八

易蒙初六。刊本蒙訛象。據周易改。

書益稷條。笙鏞之音與咏歌而迭奏。刊本迭訛造。據蔡傳改。

卷六十三

論語公叔文子條。文子。衛大夫公孫枝之諡也。刊本衛訛魯。今改。

卷六十四

左傳襄公二十六年條。今在晉矣。刊本在訛臣。據左傳改。

周赧王三年條。馬已死。買其骨五百金而返。刊本骨訛首。據史記改。

齊明帝建武三年條。不審魯之三卿。孰若四科。刊本脫三字。又陛下豈可以貴襲貴。刊本脫可字。並據

綱目增。

卷七十

唐元宗天寶十一載。以楊國忠爲相。刊本一訛六。據綱目改。

卷七十三

唐肅宗乾元元年條。殖綽郭最。刊本脫郭字。據左傳增。

卷七十五

左傳成公十八年條。使修士薦之法。刊本薦訛薦。又校正屬焉。刊本焉訛薦。並據左傳改。

卷七十六

書舜典條。周禮分爲虞衡。屬于地官。刊本地訛冬。據周禮改。

卷八十二

宋文帝元嘉十六年條。魏主燾問爲政何先。刊本燾訛壽。據魏書改。

卷八十五

唐元宗開元二十二年條。西置鹽倉。刊本置訛倉。據綱目改。

卷八十七

左傳昭公八年條。焉用速成。其以勦民也。刊本其以二字互倒。據左傳改。

卷八十八

春秋成公元年三月。作邱甲。刊本邱訛兵。據春秋改。

禮記王制條。用地小大。刊本小大二字互倒。據禮記改。

卷九十二

國語晉文公既定襄王條。內宮不過九御。刊本御訛州。據國語改。

卷九十三

唐元宗天寶十載敕。今但窮壯麗。不限財力。刊本壯訛但。據綱目改。

卷九十五

國語鬪且條。故損租却貢。拔葵罷織。後世稱譽之而不衰。刊本葵訛癸。織訛職。並據漢書董仲舒傳改。

卷九十七

唐代宗永泰元年。刊本泰訛奉。據綱目改。

御製孝經衍義

卷首下

垂世立教之大典也。刊本垂訛出。今改。

卷九

衛人立晉安國胡氏立者。不宜立也。刊本不訛子。今改。

卷十

宜爾室家注。兄弟具而後樂且孺也。刊本脫後字。據朱子詩集傳增。

卷十一

八月丁丑。夫人姜氏入。刊本丑訛酉。據春秋改。

卷十四

能者養以之福。刊本以之二字互倒。案杜解孔疏及漢書律歷志。漢酸棗令劉熊碑文。並作以之。今本左傳作之以。蓋沿吳志周瑜諸葛瑾步騭疏之誤。今據改。

卷十七

各憲之于其所治之國。刊本脫之國二字。據周禮地官增。

卷三十三

邱甲案語。而張洽以爲每甲士統步卒二十四人。刊本洽訛治。據宋史改。

卷三十五

是皆習民數者也。刊本民下衍于字。據國語刪。

卷五十七

奈何欲效唐虞之治乎。刊本治訛事。據漢書改。

卷八十三

有餽其父冬李。先以一與之。僧孺不受。刊本僧孺訛儒達。據南史改。

卷八十五

足以塞楊墨之流遁。刊本以訛下。據晉書改。

釋氏案語。一時後先起而闢之者。有章懋、羅欽順、呂柟。刊本柟訛原。案呂原係正統間進士。在章羅諸人之前。且亦未嘗講學。今據明史改。


卷八十八

林宗徐穉之徒。刊本宗訛中。據後漢書改。

卷九十四

師氏教三行。刊本師訛司。脫教字。據周禮改增。

卷九十八



黃嘉猷刊本黃訛王據唐書孝行傳叙改。

御覽經史講義

卷一

周易修辭立其誠講義。朱子讀令伯陳情表。刊本令訛少。今改。

卷三

則是天地交而萬物通也。按語。一動一靜互爲其根。刊本動靜訛陰陽。據周子太極圖改。

卷五

君子以教思無窮。按語。故讀易至兌下坤上之卦。刊本兌坤二字互訛。據周易改。

上九碩果不食。按語。乃闔門懸車。刊本闔訛閣。又刻石立壇。刊本石壇二字互訛。並據後漢書改。

卷六

聖人感人心而天下和平。按語。豐山之鐘。霜降則鳴。刊本豐訛商。據山海經改。

君子以虛受人講義。程傳。非聖人有感必通之道也。刊本脫人字。據程傳增。

卷八

乾以易知講義。朱子故以爲易而知大始。刊本脫大始二字。據朱子本義增。

卷九

書經食哉惟時講義。蔡氏王政以食爲首。刊本政訛者。據蔡傳改。

卷十

安汝止講義。止者心之所止也。刊本下止字訛之。據蔡傳改。

卷十二

慮善以動。案語。思曰睿。刊本曰訛作。據尙書改。

惟厥攸居。蔡氏義理安于自然則一矣。刊本脫矣字。據蔡傳增。

卷十四

無以巧言令色便僻側媚。案語。嘗欲賜伶人錢。而張承業堅持不肯與。刊本承訛成。據五代史改。

卷十六

詩經。鶴鳴于九皋。案語。遠山十里。蟋蟀一聲猶尙在耳。刊本違訛去。據說苑改。

卷二十三

禮記。天有四時。案語。雷雨作而赦過宥罪。刊本罪訛刑。據周易改。

卷三十五

周禮。一曰三農生九穀。案語。原隰平地。農民可于三處營種。刊本子訛與。據注疏改。又冀州白壤。厥田

中中刊本中中訛上中據尙書改。

卷二十七

史魏文侯與羣臣飲酒案語獨期獵一節何取焉刊本期訛其今改。
法令者治之具案語尹齊楊僕刊本僕訛僕據史記及漢書改。

小心齋劄記 明顧憲成撰

卷一

或問世之狹薄程朱條天地固有常矣刊本地訛下。又鑿隧而入井刊本而入二字互倒並據莊子改。

思辨錄輯要 國朝陸世儀撰

卷十一 修齊類

考工記條廣尺深尺謂之畎刊本畎訛畝據考工記改。

卷十六 治平類

古者有田條一丁出綿十四兩刊本綿訛銀據唐書改。
佛教無補條開放生池刊本生訛心今改。

卷十八

凡縉紳舉監生員條。以官田、牛田、牧田任遠郊之地。刊本遠訛外。據周禮改。

雙橋隨筆 鳳縣知縣周召撰

卷七

嚴平子條。張芸叟南遷郴州。刊本彬訛。據宋史改。

卷十一

楊炯詩。寧爲百夫長。勝作一書生。原本楊炯訛作杜甫。據全唐書改。
元盧世榮條。用其法當賦倍增而民不擾。原本倍增訛增倍。據元史改。

三魚堂贖言 國朝陸隴其撰

卷二

僖九年甲子。晉侯嵬諸卒。原本嵬訛詭。據左傳改。

卷四

叔孫穆子不肯行賂於樂王鮒。原本叔孫二字互倒。據左傳改。

問學錄 國朝陸隴其撰

卷二

劉晏于楊子置十場條。自鹽法變而回綱無所得。原本無訛而今改。

榕村語錄 國朝李光地撰

卷四

侑食在堂上條。樂工乃升堂以琴瑟而歌。刊本工訛正。據玉藻疏改。

卷八

至誠之道條。不我告猶。刊本告訛肯。據毛詩改。

卷九

程子說孟子條。比之孔子。覺猶未也。刊本未訛。夫今改。

卷十

以象言之條。終不可用。刊本用訛。害據周易改。

卷十三

朱子道理條不長夏以革刊本草訛革今改。

卷十四

古者占夢條而羈綱當吾路泉陽豫且得我刊本脫泉陽二字據史記增。

卷十五

陳人殺萬條前有菅之戰而敗宋師刊本菅訛官據春秋改。

卷十六

伐鄭之後始會蕭魚刊本脫魚字據春秋增。

卷十七

晉趙鞅帥師條齊國夏衛石曼姑帥師圍戚刊本曼訛蔓據春秋改。

卷二十

楊墨條宋景文李蔚傳贊刊本蔚訛爵據唐書改。

卷二十二

孟子說伯夷隘條以杞包瓜道理甚好刊本杞訛祖據周易改。

卷二十九

韓文條夔不能以文詞鳴以韶鳴刊本下鳴字訛明據昌黎集改。

李衛公問對

卷上

問奇正素分之歟對魏武侯問吳起兩軍相向案兩軍相向吳子作兩軍相望不知其將我欲相之其術何如與此異

卷中

問朕命道宗及阿那社爾等討薛延陀對凡置驛六十六處案下六字唐書作八

守城錄 不著撰人姓名

陳規靖康朝野僉言後序竊觀金人攻陷京城朝廷大臣與將史官師應敵捍禦之失雖既往不咎然前車之覆後車之戒事有補于將來不可不備論也案朝廷大臣至不可不備論也數語一本作大臣守禦將帥施設應敵捍禦攻城之失與夫管見却敵之策論列而序言之與此互異持衡木人與對樓上人相對不免互傷亦非全勝原本脫上人字據三朝北盟會編增

晉王浚遣都護王昌及鮮卑段疾陸眷朮杯等討石勒原本浚訛後疾陸眷訛六眷據通鑑改

卷二

多開門竇。填壕作路。原本竇訛實。今改。

管子 周管仲撰

卷三

幼官篇。莫之能圉。刊本圉訛害。據後文改。

幼官圖。若因夜虛守靜。刊本夜訛處。據前文改。

又務本飭末則富。刊本飭訛餽。據前文改。

又攻之以

官。刊本官訛言。據前文改。

又勸勉以選衆。刊本選訛遷。據前文改。

又信利周而無私。刊本周訛害。

據前文改。又十年重適入。刊本十訛七。據前文改。

卷四

宙合篇。而輕其末用。刊本末用二字訛作分注。今改。

又此言君之所出令無妄也。刊本妄訛安。據注改。

卷五

八觀篇。秦誓曰。刊本秦訛秦。今改。

卷六

法法篇。徑乎不知。案此卽卷三所云經不知者。註家于彼處云經法也。用兵之法。此又云徑。卒然直指。隨

文生訓。必有一誤。

卷七

大匡篇甲三千。刊本三訛五。據左傳改。

卷八

小匡篇服牛軛馬。刊本軛訛輅。據國語改。又屬退而修縣。縣退而修鄉。刊本縣並訛連。據前文及國語改。又遊士八十人。刊本十訛千。據國語改。又渠彌于有階。刊本彌訛瀾。據上文改。又握粟而筮者屢中。刊本筮訛篋。今改。又通齊國之魚鹽於東萊。刊本脫於字。又所以示權於中國也。刊本權作勸。並據國語改。又夷吾一不如。刊本一不兩字訛作分注。今改。

卷九

霸形篇車三百乘。卒三千人。刊本三並訛五。據左傳改。

卷十

君臣篇耳目不壅。刊本目訛自。今改。

卷十二

侈靡篇強而可使服事。刊本而可訛分注。今改。

卷十三

心術篇版法形勢之屬。刊本脫形字。據本書增。又則劉向編校之日。刊本訛作劉向編援之由。曰。今改。

卷十四

四時篇我既誠信。刊本誠訛誠。今改。

卷十五

任法篇猶植之在挺也。刊本挺訛挺。據道德經改。

卷十六

小問篇桓公二十年。刊本脫二十年三字。據水經濡水注所引增。又桓公怒至有執席食以視上者十

餘句。刊本訛作分注。今改。

封禪篇懸鉤其車也。刊本鉤訛釣。據史記集解改。

卷十九

弟子職篇衣帶必飭。刊本飭訛飾。又問何所趾。刊本何所二字互倒。並據古詩紀改。

地員篇其種蘆忍。注蘆忍草名。刊本蘆忍二字互倒。據爾雅及本草綱目改。

卷二十

形勢解篇此賤人之所以忘其卑也。刊本忘訛亡。又犧牲圭璧。不足以享鬼神。刊本脫神字。又異趣

而同歸。刊本趣訛起。並據卷一形勢篇改。又弱子下瓦。慈母操箠。刊本下瓦慈母操箠六字訛作分

注。今改。

卷二十一

立政九敗解篇。請謁任舉。刊本舉訛譽。據卷一立政篇改。

版法解篇。置不能圖。刊本置訛寡。又修長存乎任賢。刊本修訛備。並據卷一版法篇改。

明法解篇。則明務交而不求用矣。刊本交訛俊。據卷十五明法篇改。

卷二十二

山國軌篇。爲之有道乎。刊本乎訛于。今改。

卷二十三

地數篇。受水者八千里。出銅之山四百六十七山。刊本受水至四百十二字。訛作分注。據廣雅所引改。

輕卷甲篇。沛水所流入海之處。刊本沛訛沛。今改。

地數篇。夫玉起于禺民邊山。刊本禺作牛。據卷二十二國蓄篇改。

卷二十四

輕重丁篇。斗二升八合曰鑑。刊本升訛勝。今改。

管子補注 明劉績撰

卷一

陰陽篇有餘不可損不足不可益也注雖有堯湯之聖不能免之故不可損益也刊本脫損字據朱長春本增

卷二

七法篇六謂注則象法化決塞心術計數刊本缺此十一字據朱本補

卷三

幼官篇偕度量一稱數注偕同也稱斤兩也數多少也刊本脫此十一字據朱本增

卷七

大匡篇齊侯怒饗公刊本脫公字據左傳增又免公子者爲上刊本公下衍其從于鮑叔而言七字

又于父兄無過注雖無過于父兄而州里不稱刊本脫里字並據宋本刪增

卷八

小匡篇工商之鄉六士農之鄉十刊本脫六字又十軌爲里刊本十軌訛五鄉又使貢絲于周室刊

本脫周字並據國語改增

卷九

霸形篇君若將欲霸王舉大事乎則必從其本事矣刊本脫本字又因以鄭城與宋水爲請于楚刊本

楚訛水並據朱本增改

卷十一

君臣篇。君子食于道。則義審而禮明。刊本義禮二字互訛。據朱本改。

卷十二

侈靡篇。山不童而用贍。澤不弊而養足。刊本童用二字互訛。據朱本改。

卷十三

白心篇。發于名聲。注。名聲之至耳聽之。刊本聽訛能。據朱本改。

卷十四

水地篇。地之血氣。注。言水材美具備。刊本言水二字互倒。據朱本改。

四時篇。其德善羸而發出節。刊本節下衍時字。據朱本刪。

五行篇。命左右司徒內御。注。命司徒御理夏政也。刊本夏訛復。據朱本改。

卷十五

任法篇。直固而不動。奇邪乃恐。奇革而邪化。令往而民移。刊本脫奇革而民化。令往而民移二句。據朱本增。

卷十六

小問篇。公當召叔牙而問焉。刊本叔訛易。據朱本改。

卷十七

七臣七主篇。夫上好本則端正之士在前。刊本脫士字。據朱本增。

卷十九

地員篇。有三分去其乘。適足以是成角。刊本脫成字。據朱本增。

卷二十三

揆度篇。爲開口十萬人。刊本複衍口字。據朱本刪。

卷二十四

輕重篇。十鍾之家。注六斛四斗爲鍾。刊本六訛次。據朱本改。

韓非子 周韓非撰

卷一

難言篇。范睢折脅于魏齊。刊本脫齊字。據史記增。

卷四

說難篇。又非吾辨之能明吾意之難也。案上之字下。史記有難字。又貴人有過端。而說者明言禮義以挑其惡。案禮義。史記作善議。挑作推。又彊以其所不能爲。止以其所不能已。案彊字止字下。史記俱

有之字。又不能爲作必不爲。又與之論細人。則以爲賣重。案賣重。史記作鬻權。又略事陳意。案略。史記作順。又自勇之斷。則無以其謫恕之。案上之字。史記作其。謫作敵。

卷七

喻老篇。叔瞻諫曰。此賢公子也。案瞻。左傳作詹。

卷九

倒言篇。救生者盡賞之。則國不足以賞。請徒行罰。刊本罰訛賞。今改。

卷十三

外儲說篇。千金之玉卮。至貴而無常。漏不可盛水。刊本盛訛乘。今改。

卷十八

八說篇。下肆而輕犯禁法。刊本犯訛記。今改。

卷十九

五蠹篇。故法禁壞而民愈亂。刊本壞訛壤。今改。

著者 (清)王太岳等撰
Author

書碼 082.47
Call No. 7437

書名 四庫全書考證：(二〇)
Title

登錄號碼 007490
Accession No.

月日 Date	借閱者 Borrower's Name	月日 Date	借閱者 Borrower's Name

國立中央圖書館

書碼 082.47
7437
20

登錄號碼 007490

國立中央圖書館



0007490



47

籍